

四庫全書

集部

欽定四庫全書

集部

四六標準卷九

詳校官庶吉士臣何道沖

主事臣呂雲棟覆勘

總校官進士臣繆琪

校對官助教臣羅萬選

謄錄監生臣李元儔

欽定四庫全書

四六標準卷九

宋 李劉 撰

謝辟置

文獻通考徐氏曰公府辟命自西京則然東漢之世公卿尤以辟士相高卓茂習詩禮為

通儒而辟丞相府蔡邕博學好詞章而辟司徒李郃府又有府周舉博學洽聞為儒者宗而辟司徒李郃府又有五府俱辟如黃瓊者四府並命如陳紀者往往名公鉅卿以致賢才為高而英才俊士以得所依乘為重一洗末世苟合輕就之風矣宋周焜清波雜志云建炎兵興日師臣許辟置幕屬既素為知己其於婉畫裨助良多今惟四川制師如故事他皆命於朝賓主邈不通情殆與郡縣官等間寄兵謀無從咨訪川泳雲飛豈復有相得之樂饒急利害既不相及相忘於江湖宜也

再辟制幹入蜀謝丞相

遮日而走長安幾穿破履

杜牧詩惆悵江湖釣竿手却遮西日向長安莊子衣敝履

穿史記東郭先生待詔公車貧困饑寒衣破履不完杜詩頻游任履穿又履穿四明雪山谷詩寧穿東郭履不

遺子公書

登天而攀蜀道忽得舊氍毹知塊北之無垠

並見前難

超超而不進

韻會超超不進貌通作咨且易臀無膚其行次且王肅云行止之礙張載銘一人

荷戟萬夫超超

輒修贄見併吐謝表伏念某骭髀亡奇睢盱有

志一科不補墮身溝瀆之尋常萬物皆塵妄意簡編之

尺寸

並見前

繇頃年之從辟抵中道而遭艱跨海涉湖痛

猶未定

韓文如痛定之人思當痛之時不知何能自處也

捫參歷井夢不敢尋

六國張敏與高惠為友每相思不能相見便于夢中相尋王昌齡詩曉夕雙帆歸鄂渚愁將孤月夢中尋東坡詩夢尋故因祥除甘就部闕適干西清之衆論許為東西南路

閤而一言遂令索米之人

並見前

或動乞漿之興

袁子正書太歲

存酉乞漿得酒

鬻璞而售乾璞誰適為容

應邵傳昔鄭人以乾鼠為璞鬻之于周來

愚夫亦寶燕石緹縉十重夫觀之者掩口盧胡而笑

翹材以待大材非汝所及

西京

雜記平津侯開東閤營客館以招天下賢材次日翹材館以待大材詳見前

猶見益州之元

德尚思吳下之阿蒙羅而致之兆足行矣

並見前

幾葬魚

腹固嘗回孝子之車

史記屈原傳寧赴常流而葬乎又江魚腹中耳韓詩魚腹甘所葬

過羊腸蓋合叱忠臣之馭

魏武苦寒行羊腸坂詰曲車輪為之摧晉太康地記常山

曲陽有恒山坡號飛狐口上壺關縣有羊腸坂史記羊

腸之西正義云大行山坡道名南屬懷州北屬澤州劉

向新序趙簡子上羊腸之坂羣臣皆推車唐楊炯詩山

路遠羊腸江城鎮魚腹宋鮑照詩淖坂既馬領磧路又

羊腸陳江總詩三春

別帝鄉五月度羊腸

是四蜀之可憂

巴蜀黔漢為四蜀

殆非一端而遽止雖托重固

在詩書之帥

見前

然拔尤宜得文武之材

韓文朝取一人焉拔其尤又將

為天子得文

置諸鄒枚之間

李詩梁苑傾鄒枚韓詩卓

武士于幕下

輦傾鄒枚王摩詰詩侍從

有鄒枝蓋有禕允之任見前豈應愚下可在選中劉孝綽啟

獨在選中王裒傳選好事者今依鹿鳴之聲習而歌之時汜鄉侯何武選在歌中茲蓋伏遇某

官身佩安危新唐書李晟傳贊提孤軍抗羣賊身佩安危而氣不少衰者徒以忠義感人故豪英

樂為之死耳心存開濟杜詩百年開濟老臣心獨揮九日再為天地而

立心前見八荒一雲復令山澤之通氣杜詩四海八荒同一雲繫辭天地定

位山澤通氣疏艮兌象山澤山澤異體而通氣從政如彼其久樂不存焉當今

舍我其誰聖之任也粵從更化董仲舒傳為政而不行甚者必變而更化之乃

可理也當更化不更化雖有大賢不能善治也專務調元班固傳降烟煴調元氣高適詩獨立調元

氣 三階既平元首有股肱之喜

尚書股肱起哉元首喜哉餘見前

五部

方擾中國無疥癬之憂

疥音芥說文瘡也或作疥癬音蘇說文乾瘍也釋名徙也浸濕

移徙後漢書鮮卑傳蔡邕議邊垂之患手足之疥搔中國之困胸背之瘰癧餘見前

然欲折千里

之衝是必開衆正之路

並見前

得人朝廷得人幕下寧有

重輕

韓文相為天子得人於朝廷將為天子得文武士於幕下

誠死城郭誠死封疆

要加儲養

賈誼傳父兄之臣誠死宗廟法度之臣誠死社稷輔翼之臣誠死君上守禦扞敵之臣誠死

死城郭封疆故曰聖人有金城者此物此志也

如有所試俾勉此行某敢不體

認一陶攀緣九折

並見前

堪其事者謂之力藉莫酬相國

之知

韓文自百官已下欲以其業徹相國左右者多矣皆憚而莫之敢獨愈辱先索相國之知至矣凡遠

于用之謂才堪其事之謂力愈于二者雖日勉焉遠而不近不見斥以不肖幸矣其何敢教于言乎

使之觀其忠詎敢作衆人之報

莊子遠使之而觀其忠近使之而觀其敬煩使

之而觀其能委之以財而觀其仁卒然問焉而觀其智急與之期而觀其信醉之以酒而觀其量雜之以處而觀其色臨之以危而觀其節

謝董制置

居誼辟克成都撫幹

宋史寧宗嘉定七年三月以成都府

路安撫使董居誼為四川制置使八年夏四月秦州人唐進與其徒何進等引衆十萬來歸居誼拒却之十年四月金人分兵圍衆陽光化軍詔四川制置使董居誼酌量緩急便宜行事十一年金人

樊大散關破阜郊十二月正月名居誼詣行在以
利路安撫聶子述代之二月金人犯洋州居誼自
利州遁四月紅巾賊張福入利州聶子述遁殺總
領楊九鼎居誼落職奪三官七月復奪居誼二官
居誼帥蜀大失士心金
人乘之宋師所至輒潰

簿領抗塵自分湘濱之憔悴

梁書朱異傳當局簿領諸
詢詳斷伏挺傳簿領沉廢

臺閣未理王瞻傳精神益朗不廢簿領劉孝綽傳美錦
未可便製簿領亦宜稍習何敬容傳聰明識治勤于簿
領又簿領文案不復經懷陳書黃法氈傳便書疏開明
簿領北史司馬子如傳簿領之務子奪任情北山移文
抗塵容而走俗狀屈原漁父屈原既
放遊於江潭行吟澤畔顏色憔悴
帥幢辟屬許令蜀
道之攀緣

太白蜀道難黃鶴之飛高
不得過猿猱欲度愁攀緣

初無待於懇祈便

力為之振拔請裁四六少謝萬分

詳見第一卷

竊觀我宋帥

蜀之臣無若前後趙張之懿

漢書傳贊前有趙張後忠有三王此指趙抃張詠

定之薦辭必方廉恬退之人

宋史張詠字復之濮州人

謚忠定太宗朝知益州真宗朝以詠前在蜀治行優異復命知益州傳諭詠曰得卿在蜀臣無西顧之憂矣五

朝名臣言行錄轉運使黃觀好舉時才之士公勸曰舉人當舉好退者好退則廉謹知耻舉之志節愈堅少有

敗事莫舉奔競者奔競則能曲事諂媚求人知己舉清之必矜材好利累及舉者其人既解奔競何必舉乎

獻之奏楊皆骨鯁敢言之士

宋史趙抃字閱道衢州西安人舉進士事仁宗英宗

神宗位至參政謚清獻初知睦州移梓州路轉運使改益州英宗朝加龍圖閣直學士知成都神宗朝以大學

士復知成都其為政善因俗設施寬猛不同在成都尤為世所稱論曰包拯吳奎趙抃唐介四臣面諍鯁忮逆心或不能堪而仁宗容之無訾誠盛德之主哉欲濟其美在簡乃僚伏念某殖

學不豐聞道猶淺忭於為養強營三釜之謀拙不適時

竟墮一科之底謂屠龍之可學

並見前

又畫虎之不成

馬援

傳所謂畫虎不成反類狗者也

孫寶安得自高且棲矮屋

見前

王珣能令

公喜偶傍轅門

言以主簿受辭

其實出朱入墨之材終非泛綠

依紅之器

並見前

駭從臣之出牧

杜詩民到于今歌出牧

指尊選以

見招

山谷送李次翁別友賦畢開義於孫李指尊選以先招惜予行之舒舒曰其夜以為朝

我猶

未免鄉人固應累陶鎔之造翁真善幹國事何至須斗

筭之徒

五朝名臣言行錄淳化四年兩川民饑起復張詠知成都公至問城中所屯兵尚三萬人而無

半月之食公知鹽價素高而廩有餘積乃下其估聽民以未易鹽未踰月得米數萬斛軍中聞而呼曰前所給

米皆不可食今一一精聞已牋閭閻之風

晉劉謐之有與天公牋韓

詩寄牋東南風天門西北祈風通易緯西方為閭閻風

欲共泛瞿塘之水成都萬

事好每歌誰能委珪幣之詩

杜詩成都萬事好宜若歸吾廬山谷詩人物方眈然

誰能委珪幣

長沙千里平恐發恐著主衣裳之笑

韓詩長沙千里平勝

地猶在險陳後山詩主家十二樓一身當三千古來要薄命事主不盡年起舞為主壽相送南陽阡恐著主衣

囊為人

進退維谷

詩人亦有言進退維谷注谷窮也谷是山谷墜谷是窮困之義

偃僂

作春妍

循墻

左傳一命而僂再命而偃三命而俯循墻而走初命為士其容僂再命為大夫其容偃三命為卿其

容俯位益高身益下也墻謂公門循墻不敢安行也

及見移文不容控避鮑叔真

能知我他復誰知政身未可許人盡為公許

並見前

恭惟

某官含洪光大

易坤厚載物德合元疆含宏光大品物咸享

明允篤誠

左傳昔高

陽氏有才子八人齊聖廣淵明允篤誠天下謂之八愷

親結冕旒進儀筆索

並見前

晝日三接而天心默契

易晉康侯用錫馬蕃庶晝日三接

終歲九遷而

人望尚奢

見前

一節使燕言面無幾微之見

寧宗嘉定五年六月遣董

居誼賀金主生辰會全國亂不至而還禮記一節以趨
韓文今人遠數百里出門惘惘有離別可憐之色今予
使萬里外國獨無幾微出於言
面豈不真知輕重大丈夫哉
三刀夢益氣色歸號令

之明

晉書王濬傳夜夢懸三刀于卧屋梁上須臾又益
一刀濬驚覺意甚惡之主簿李毅再拜賀曰三刀

為州字又益一者明府其臨益州乎及賊張宏殺益州
刺史皇甫晏果遷濬為益州刺史王摩詰詩遠樹刀州
出天際柳詩
夢喜三刀近
欲擇幕賓必先朝彥
居誼為成都府路
况

幾兩幾馬

而出定多驥尾之攀

韓文不知楊侯去時城
門外送者幾人車幾兩

馬幾匹
餘見前

何一琴一龜之餘亦取鶴翎之短

山谷詩身如
病鶴翅翎短

餘見
前

以識字有數為敏贍淹該之學

楊文公談苑晉開
運中詔令兩制各

作詩賦一篇付禮部為考試之式獨學士李懌不肯曰
李懌識字有數因人成事使令白衣入貢部中下第必
矣胡能作文章為世模楷時論美之山谷詩識字有數
我自知又按蜀志南史皆有所識不過十字之語史通
謂王平所識僅通十字以多言數窮為貫穿通達之才
此亦識字有數之意

老子多言數窮不如守中數王弼注去聲謂理數也明
皇注音朔今以對識字有數當從朔音穿去聲司馬遷
傳贊貫穿經傳馳騁古今杜詩貫穿無遺恨蒼叢何技
癢賈誼傳贊通達國體自視歟然公言

過矣然已入朝取良馬之數

昌黎送溫處士序伯樂知馬遇其良輒取之又朝取

一人馬難更作夕避長蛇之疑

太白蜀道難朝避猛虎夕避長蛇

某敢

不澡雪此心鞭磨所學銘諸肺腑惟國士遇之國士報

之見前借以齒牙乃執事事也執事責也老泉集若其言之可用與其身

之可貴與否者執事事也縱使盡無用於世亦將求不

辱其門

東坡祭韓忠獻公文敢不師公治民與軍雖無以報不辱其門又祭歐陽文忠公夫人文潁人

思公曰此門生雖舉李生何辭當謹佩愛直之贈韓文

無以報不辱其門直篇贈李君房別畧云李生南陽公之甥也今之從事

於彼也吾為南陽公愛之又未知人之舉李生於彼者何辭彼之所以待李生者何道舉不失辭待不失道雖

失之此足愛惜而得之彼為歡欣於李生道猶若也為董公從事豈但陪合樂之嬉

韓文汴州東西水門記序隴西公作東西水門

成大合樂設水嬉會監軍軍司馬賓佐僚屬將校熊羆之士肅四方之賓客以落之士女和會闌郭溢郭既卒

事其從事昌黎韓愈請紀成績隴西公謂
董晉晉本仲舒之裔自廣川徙隴西故云

代趙主簿

希坡

謝衛參帥辟撫屬

黃綬抗塵幸蒙恩而受代

薛宣傳欲言縣丞尉者刺史不察黃綬師古曰丞尉職卑

皆黃綬北山移文
抗塵客走俗狀

碧幢率屬辱剡奏以克員

方千詩問津求拜碧

油幢法言
奏不剡

雖未占天問之果酌

劉禹錫問大鈞賦楚臣天問不酌今臣過幸一

獻三

豈不假人言而後得頂踵皆歸於特達

禮記圭璋特達䟽行

聘之時惟執圭璋特以通達不加餘幣四子講德論
特達而相知者千載之一遇也韻會特但也獨也

肺

肝倍激於輪囷

韓詩肝膽還輪囷

伏念某名為皇宗實本素士

南史始興王傳王儉嘗歎云始先人存趾嘗首列於儒

科韓文若既自克自敬勤及先人存趾美進元舅拊頭

謂必成其宅相唐楊於陵登第調潤州句容尉浙西觀

吾閩人多矣後貴且壽無如楊生者生子必位宰相以

女妻之既而生嗣復況拊其頂曰名位皆踰其父楊門

之慶也竟如其言陳後山詩少日拊頭斯類我莫年垂

淚向西風魏舒傳少孤為外家寧氏所養寧氏起宅相

宅者云當出貴甥外祖母以魏氏甥小而慧意謂應之

舒曰當為外祖成此宅相梁書王規傳規子褒七歲能

屬文外祖司空袁昂重之謂賓客曰兒當成吾宅相此

史李繪傳河間邢晏繪舅也與繪清言歎其高遠曰若

披雲霧如對珠玉宅遭家多難詩維予小子欲仕無津

相之寄良在此矣

未堪家多難

四六標準

九

陶侃傳鄱陽孝廉范逵嘗過侃侃追送百餘里逵曰卿欲仕郡乎侃曰欲之困于無津耳躡屣擔簦

輕別家園之松菊

史記虞卿者游說之士也躡屣擔簦說趙孝成王徐廣曰躡草履也簦長

柄笠音登笠有柄者謂之笠歸去來辭三徑就荒松菊猶存

懷鉛抱槧甘依學舍之

鑿鹽

槧有三音于蘆切削贖也在敢切斷木為槧削版贖也七豔切說文積樸也謂始削粗樸也西京雜

記揚子雲好事常懷鉛提槧從諸計吏訪殊方絕域四方之語以為裨補輶軒所載東觀漢紀曹褒為漢禮儀晝夜研精寢則懷抱鉛筆餘見前 偶爾登名 韓文豈不登名于一科今 漫而試吏 元結

傳浪者亦漫為官乎呼為漫郎 會計而已初無出位之思名實未加濫

竊代庖之譽不堪位置何足控搏泰階六符忽擁旌麾

而至

並見前

明堂一柱不遺居楔之微

禮記疏夏曰世室殷曰重屋周曰明

堂周禮殷人四阿重屋鄭元注云四阿若今四柱餘見前

曲假存全屢令任使及瓜

而代詎希東閣之留

朱雲傳且留我東閣

繞木何依空結南枝之

戀不圖裁鑒忽辱薦揚錐之處囊中初無見穎羅而致

幕下欲使空羣

並見前

重惟蟻蝨之官

盧仝詩下士蟻蝨臣韓詩官無蝨其

間杜牧書孔子廟碑陰記彼仁義蝨官也可以置之

負乏蚍蜉之掾

見前

一齊衆楚

豈能回莊嶽之音九舜十堯不敢望隆冬之穀

桓範要論執權

者衆雖九舜猶亂韓子桀紂生而在上位雖十堯舜不能化之梁元帝伐侯景檄文叶和萬邦平章百姓十堯

九舜曷足云也淮南子禹決江疏河以為天下興利不能使水西流后稷開王墾草以為百姓力農然而不能使禾知賢而舉惟斷乃成昌黎平淮西碑凡此蔡功惟斷乃成縱寄牋閭

闔之風未知利鈍

韓詩寄牋東南風天門西北祈風然通易緯秋分闔闔風至注西風也

銘心泰華之石豈易銷磨伏遇某官四海真儒三朝舊

弼文章有斐再見武公之賢

詩序淇澳美武公之德也有文章又能聽其規諫以

禮自防故能入相于周美而作是詩也詩有斐君子如切如磋又有斐君子克耳琇瑩

招選無遺

一洗將軍之陋

衛青傳贊蘇建嘗責大將軍至尊重而天下之賢士大夫無稱焉願將軍觀古

名將所招選者勉之哉青謝曰自魏其武安之厚賓客天子常切齒彼親待士大夫招賢黜不肖者人主之柄

也人臣奉法遵職而已何與招士

自元戎十乘之啟至長沙千里之平

苟有寸長悉入大鈞之播不遺餘力復收小子之狂欲

令奔走於顏行力借吹噓而送上萬一所請或不見却

尋常之恩豈可並言某敢不銘佩異知激昂晚節

並見前

將母來諗身雖未可以許人

諗音審謀也告也相思念也詩是用作歌將母來諗

箋諗告也以養父母之志來告于君也

懷德維寧士固必伸於知己

詩懷德維

寧宗子維城注懷和也和安汝德以施于民無行酷虐之政惟安汝之國矣餘見前

代盧尉

仲雋

謝諸司辟知資興縣

資興本郴縣地漢永和初析置

漢寧縣三國吳改曰陽安晉改曰晉寧隸桂陽郡
陳廢入郴縣隋改晉興縣唐貞觀中省咸亨中改
置資興縣隸郴州五代時廢為寨宋嘉定四年平
寇析郴縣兩鄉于青要置資興縣紹定中改興寧
縣徙治管于
壕今因之

箠楚塵埃之徼福偶幸代更

韓詩判司卑官不堪說未免捶楚塵埃問餘見前

繭絲保障之謀人猥勤特辟

尚書鞠人謀人

戴使天之

私覆循材地以中慙

晉謝琨自負材地不妄交納後魏辛雄疏選補之法妙盡才具如不

可並後地先才晉書王蘊傳遷吏部郎每一官闕求者
十輩蘊輒連狀行之曰某人有地某人有材務存進退
各隨其才故不得者無怨焉陳書蔡凝傳凝年位未高
而才地為時所重後主謂蔡徽曰蔡凝負地矜才無所

用惟義柳據楚之上流

柳州秦長沙郡項羽徙義帝都柳故曰義柳項籍傳古之王者

必居上游徙之長沙都柳師古曰游流也宋凌伯裕柳江前集序柳居湘楚上游以山水名

而資興

為晉之故縣

注見題下

數百年瓦礫之迹猶有劫灰

曹毗志惟云漢

武鑒昆明池極深悉是灰墨無復土舉朝不解以問東方朔朔曰臣愚不足以知之可試問西域胡帝以朔不

知難以移問至後漢明帝時外國道人來入洛陽時有憶方朔言者乃試以武帝時灰墨問之胡人云經云天

地大劫將盡則劫燒此劫燒之餘乃知朔言有旨周書庾信傳談劫燼之灰飛辨常星之夜落唐詩眼看朝市

為陵谷始信昆明有劫灰王荆公詩慙陽陵秋更暴橫歟我欲作昆明灰又日月紛紛付劫灰山谷詩收足垂

親子存身

五六載鋒鏑之餘肇稱新邑

尚書王肇稱殷禮祀于新邑

俗多鼠嘯財欠鬼輸欲其賣劍以買牛相與抱孫而歌

犢是在撫字之職宜得通練之材歷數部封何限囊中

之穎豈期庸妄遂蒙送上之噓並見前雖未占天問之果

酬劉禹錫問大鈞賦楚臣天問不酬今臣過幸一獻三售詎敢不星言而夙駕詩星

言夙駕說于桑田注雨止星見夙早也文伏念某起於

寒遠持是空疎三年飲墜露於湘濱楚辭朝飲木蘭之墜露兮一念

繞落霞於滕閣下車攘臂敢嬰搏虎之嘲學道愛人難

奉割鷄之笑不虞製錦輒使代庖並見前此蓋伏遇某官

大鈞無垠小善必錄

韓文占小善者率以錄

耻納溝不被其澤欲

惠遠默出推轂有味之言不遺寒素或者封囊之露許

還假印之真

並見前

借以聲光寬其轡策

虞翻傳願寬假轡策勿令有所

拘閔而已

某敢不力摩凋俗盡布教條不鄙夷其民當使烏

言夷面之俗

韓文柳侯為州不鄙夷其民動以禮法又小吏十餘家皆烏言夷面始至言語不通

事慈惠之帥如在熊旂金節之前

釋名熊虎為旂象其猛也昌黎平淮西碑

金節煌煌錫盾雕戈犀甲熊旂威命是荷

舉自代

共三條撤本缺今補○唐制常參官及刺史授上訖三日內舉一人自代宋咸平間秘書

丞陳彭年請用唐故事舉官自代詔秘書丞直學士馮拯陳堯叟參詳之拯等上言常參官及節度觀察防禦刺史少尹畿赤令并七品以上清望官授訖三日內于四方館上表讓一人以自代其表付中書門下每官缺以見舉多者量而授之今官品制度沿革不同請令兩省御史臺尚書省六品以上諸司四品以上授訖具表讓一人自代于閣門投下方得入謝在外者授訖三月內具表附驛以聞遂著為令

謝李侍郎真舉自代

王堂圖舊趣四輩以來宣

馬周傳遣使者四輩致趣傳介子傳殺畧三輩王翦傳使

使還請善田者五輩張湯傳使使八輩簿責湯妻敬傳使者十輩韓安國傳漢使十輩至梁趙克國傳凡七十輩餘寶閣冠班舉匹夫而為代止流言於智者發注記見前

而信然

並見前

感固感於相知慙則慙於不稱竊以伯禹

固遜於后稷曷嘗稽首於殳斨

尚書禹拜稽首讓于稷契暨皋陶又垂拜稽首

讓于殳斨暨伯與

仲尼謂不如顏淵何與及肩之子貢

家語子夏問于

孔子曰顏回之為人奚若子曰回之仁賢于丘曰子貢之為人奚若子曰賜之敏賢于丘曰子路之為人奚若子曰由之勇賢于丘曰子張之為人奚若子曰師之莊賢于丘蓋惟善能舉其類然擬

人必以其倫

禮記擬人必于其倫鄰鑒傳王敦謂鑒曰樂彥輔短才耳考之以實豈勝滿武秋耶

鑒曰擬人必于其倫彥輔道韻平淡體識冲粹武秋失節之士何可同年而言三國志辛毗傳注裴松之曰擬人必于其倫取譬宜引其類故未聞取原隰馳驅之人君子于其言無所苟而已矣

謂可備軒墀供奉之數

新唐書百官志元宗以中書務劇文書多壅滯乃選文學之士

號翰林供奉與集賢學士分掌制誥東坡詩供奉清班非老處會稽何日乞方回

鳳兮巢閣方

將揚覽德之輝

尚書中侯堯即位七十年鳳凰止庭伯禹拜曰黃帝軒轅時鳳皇巢閣皇甫謐

帝王世紀黃帝齋于中宮鳳皇或止帝之東園或巢阿閣賈誼傳鳳皇翔于千仞兮覽德輝而下之馬也

守閭正恐累知人之鑒

韓文昂也不可以柱車馬也不可使守閭伏念某嶽

崎萬狀拓落一官器竅識凡安能超卓學荒術陋何有

深醇當光皇之末年教胄子者數月

尚書命汝典樂教胄子一鳴

輒斥刺天不羨於羣飛

昌黎祭柳子厚文子之視人自以無前一斥不復羣飛刺天

四國于宣見雪幸逃於衆吠

詩四國于蕃四方于宣正義曰四方恩澤不至則往

宣暢之使霑王化柳文僕來南二年冬幸大雪踰嶺被南越中數州數州之犬皆蒼黃吠噬狂走者累日至無

雪乃已

十暑貫岷山之葛

貫音射說文賁也廣韻賒也杜詩十暑岷山葛三霜楚戶砧

一寒仍范叔之袍乏四騏四駱之咨諏端方烏有無一

鶴一龜之風采澄按何功

並見前

豈謂我家侍郎之賢

李詩

今日竹林晏我家賢侍郎三杯容小阮醉後發清狂

曲念吾宗孫子之老

杜詩吾宗老孫

子詳見前惟學士學先聖之道

見下

况敷文敷國典之華

宋紹

興十年置敷文閣以藏徽宗御製詔曰徽宗皇帝宸章奎畫煥手若三辰之文麗天垂光賁飾羣物殆與詩書

相表裏崇建層閣以嚴宅藏恭以敷文為名宜置學士直學士待置以次列職備西清之咨訪為儒學之華寵具著兩命以起知章足為光寵

新唐書隱逸傳賀知章字季真越州永興人開

元中遷禮部侍郎兼集賢院學士一日併謝宰相源乾曜語張說曰賀公兩命之榮足為光寵然學士侍郎孰為美說曰侍郎衣冠之選然要為具員吏學士一字之懷先王之道經緯之文然後處之此其為間也

拔叔夜却恐麓踈

山濤傳濤所奏甄拔人物各為題目蔡謨傳謨父克未仕時山簡嘗與王

衍書曰蔡子尼今之正人衍以書示衆曰山子以正字拔人然未易可稱嵇康傳山濤將去選官舉康自代康乃與濤書告絕曰足下舊知吾潦倒麓踈不切事情自惟亦皆不如今日之賢能也德不待於成

身士固伸於知己

並見前

此蓋伏遇某官四朝元老

詩方叔元

老注元大也五官之長出于諸侯
曰天子之老方叔天子之大老
一世真儒奉命任危

難之間

諸葛武侯出師表受任于敗軍之際奉命于危難之間

固國還封疆之界

南人不復反矣

漢晉春秋諸葛武侯在南中所在戰捷聞孟獲者為夷漢所並服募生致之使

觀營陣問曰此軍何如獲曰向者不知虛實故敗今蒙賜觀看若祇如此即定易勝耳武侯笑縱使更戰七縱

七擒而猶遣獲獲止不去曰公天威也南人不復反矣遂至滇池

東山以公歸兮

詩我徂東

山惴惴不歸又無以我公歸兮無使我心悲兮箋東都之人欲周公留之為君謂成王所齋來衣願即封周

公于此無以我公西歸

然神旗戟轟既久長於魏師

韓文旌節有韜豹尾神旗

素瓌戟轟則光祿金紫當即封於晉國

事物記原云魏晉以來有左右

光祿及先祿大夫皆銀印青綬重者加金章紫綬因稱
金紫先祿大夫後周以為散官裴度傳蔡平策勲進金
紫先祿大夫宏文館大學士上
柱國晉國公戶三千復知政事
走卒知司馬頌令領嵩

陽崇福之宮

東坡詩見曹誦君寔走卒知司馬宋在外
宮觀杭州洞霄宮亳州明道宮華州雲臺

觀建州武夷觀名州崇道觀成都玉局觀建州仙都觀
江州太平觀洪州玉隆觀五嶽廟嵩山崇福宮舒州靈
仙觀東坡溫公行
單于問大蘇亦知起元祐眉山之學

東坡詩時時鵲舌問三蘇又單于
若問君家世莫道中朝第一人

宜煩泥檢

說文檢書
署也徐曰

書函之蓋也三刻其上繩緘之然
後填以泥題書而印之也詳見前

來趣脂車

曹植詩星
陳夙駕秣

馬脂車詩爾之
亟行遑脂爾車

幸舍人之治裝

見前

副天子之虛佇帝乃

誕敷文德正藉臣隣

尚書帝乃誕敷文德舞干羽于兩階

王惟圖任舊人

適登丞弼

見前

藉令念小草之有遠志

山谷詩小草有遠志

何至引

老芋而替茯神

柳文余病瘡且憊謁醫視之曰惟茯神為宜明日買諸市烹而餌之病加甚召

醫而尤具故醫求觀其滓曰吁盡老芋也

某敢不銜佩異知磨礪晚節

韓文磨礪

平事

集賢以待侍讀固使臣不敢與聞

新唐書開元十二年宴學士張

說等于集仙殿于是改殿名集賢改修書使為集賢殿學士書院學士五品以上為學士每以宰相為學士知

院事左傳三夏天子所以享元侯也使臣弗敢與聞

征夫豈不懷歸願君子惟能

通志

詩駢駢征夫每懷靡及又豈不懷歸王事靡盬辭惟深也故能通天下之志

代回董惠州

居誼

謝舉自代

咨垂共工自當申稽首之遜

尚書帝曰疇若予工僉曰垂哉帝曰俞咨垂汝共工

垂拜稽首讓于父析暨伯與

舉康自代得無笑炙背之疏

嵇康傳山濤將去選

官舉康自代康乃與濤書告絕曰野人有快炙背而美芹子者欲獻之至尊雖有區區之意亦已疏矣

銜

袖惠然開緘愧甚

並見前

恭惟某官有致遠之器無欲速

之心屢薦不入官姑取一麾而去

顏延年詩屢薦不入官一麾乃出守杜牧

之詩擬把一麾江海去

三宿而出晝無勤千里之追難進易退我

不如

禮記事君難進而易退則位有序易進而難退則亂也東坡鶴欺園中有鶴馴可呼我欲呼之立坐

隅鶴有難色側睨予豈欲臆對如鵬乎驅之上堂立須臾投以餅餌視若無憂然長鳴乃下趨難進易退我不如見賢不薦誰當耻

東坡送任叔通判黃州詩吾州之豪任公子少年盛壯日千里無媒

自進誰識之有才不用今老矣知命無憂子何病見賢不薦誰當耻聊復爾耳止或尼之

某欲為王留徒得君重

並見前

得隴望蜀戲已驗於前言

岑彭傳人苦不知足既得隴復望蜀每發一兵頭髮為白

召鄒延枚客正觀於末至

謝惠連雪賦梁王不悅遊於兔園乃置旨酒命賓客召鄒生延枚叟相如未至居客之右

代回倪告院

千里

謝舉自代

宋初于右掖門置院四司告身案並集于

此以備中書除改本司郎官各主其事淳化五年始專置司官于省內凡官誥各以本司告身印

之官誥院提舉一人以知制誥克判院一人以帶
職京朝官克元豐五年行官制文武告身屬吏部
審官告屬兵部封贈及命婦告屬司封加勲及拜
將校告屬司勲○倪千里字起萬東陽人紹熙中
任蘓學教授因其美積養士復作
義廩以資禮文之費士心悅服

稟令推賢得公為重

尚書王言惟作命不言臣下罔攸稟令又推賢讓能庶官乃和袖

箋委貺陳義甚高

莊子屠羊說居處卑賤而陳義甚高

文則其文謝非所

謝恭惟某官學有原本行無瑕疵

左傳子取子求不汝疵瑕也韓詩佳句喧

眾口考官敢瑕疵柳詩進身齊選擇失路同瑕疵山谷詩遇人不崖異順物無瑕疵互見前

委蛇結

綠之珍是宜廟序

委於危反蛇音移詩委蛇委蛇傳行可蹤跡也箋委曲自得之貌疏動而

有常使人可蹤跡而效之范睢傳周有砥礪采有結綠梁有縣黎楚有和璞此四寶者良工之所失也而為天

下名器曹植七啟佩則結綠縣黎寶之妙微曹丕與鍾繇書晉之垂棘魯之璵璠宋之結綠楚之和璞價越萬

金貴重都城騰踏飛黃之駿而伏鹽車淮南子飛黃神馬也文選整頓

雲輅騁飛黃韓詩飛黃騰踏去戰國策騏驎伏鹽車而上太行伯樂遭之驥俯而噴仰而長鳴賈誼傳驥垂兩耳

服鹽車今師古曰駕鹽車也李商使在論思獻納之班

班固西都賦朝夕必有輔贊彌縫之益新唐書房杜傳

論思日月獻納藏諸某濫持荷橐見前謬廁李官天文志房南衆星曰騎

用天官書作李蓋守正奉公實不如於戴胄王珪傳濟繁

古文理與李通治劇衆務必

舉臣不
如戴胄

明刑弼教義當孫於臯陶

尚書明于五刑以弼五教又禹拜稽首讓

于稷契
暨臯陶

不謂高情猶勤私謝惠而好我皆藹如仁義之

言

詩惠而好我攜手同行韓文仁義之人其言藹如也

更以贈君願力蹈中庸之

正

山谷詩君家所有更贈君

宣賜

賀黃制置

伯固

賜金帶

青箱雜記本朝之制待制止繫皂鞵犀帶遷龍圖閣

直舉士始賜金帶歸田錄太宗皇帝謂鑄玉不離石犀不離角可貴者惟金創為金鑄以賜羣臣方團毬路賜兩府御仙花賜學士以上今俗謂毬路為笏頭御仙花為荔枝○黃伯固將樂人為建昌

尉累官四川安撫制置使終兵部侍郎
郎涖官行已為時所重卒謚忠簡

分閭疇庸

杜詩分閭救世用賢豪漢宣帝紀疇其爵邑祭遵傳疇其爵邑世無絕嗣注疇等也言功

臣死後子孫襲封世世與先人等柳文皇天錫擊疏寵疇庸審厥保承荀或傳增疇戶邑注疇等也

說文擊大帶也易或錫之擊帶終朝三褫之左傳擊厲游纓昭其數也又鄭伯之享王也王以后之擊鑑與之

以注擊帶而三品百鍊焜煌內府之盼尚書厥貢惟金三品孔傳金銀銅也

白帖百鍊之金言百鍊之不耗劉琨詩何意百鍊鋼化為繞指柔唐詩先生百鍊金焜煌戶衮切說文煌也煌胡

盼切說文輝也增韻焜煌光也盼萬釘九環褒表中權之盼賦也禮記名山大川不以盼

勁楊素傳開皇十八年素大破突厥優詔褒揚賜繖三萬疋及萬釘寶帶新唐書夷狄傳西統葉護可汗獻

萬釘寶鈿金帶山谷詩萬釘寶帶珎玕席職官分紀隋
薛道衡出為襄州總管高祖謂曰爾之去朕如斷一臂
於是賚物三百段九環金帶馬十疋遣之周書熊安生
傳高祖入鄴幸其第賜象笏及九環金帶李德林傳開
皇元年令德林與于翼高穎等同修律令事訖奏聞別
賜九環金帶一腰六一居士詩白髮垂兩鬢黃金腰九
環

不勤使請彌覺道存恭惟某官追琢其相

詩追琢其章金玉其

相注追彫也金曰彫玉曰琢相質也治寶物為器所以
可彫琢其體以為文章者以金玉本有其質性故也以

喻文王所以可修飾其道以為柔惠且直

詩申伯之德柔惠且直操

此萬邦聞于四國注申伯之德安順而且正直

言忠信行篤敬學素得于書紳

極高明道中庸強何虞於衽草

疏高明謂天也言賢人由學如天之高明之德

道通也又能通達乎中庸之理也衽卧席也
北方剛猛好鬪故以甲鎧為席寢宿于中
上嘉羊祜

輕裘之緩

羊祜傳祜在軍常輕裘緩帶身不被甲鈴閣之下侍衛者不過十數人

欲厲田

單仗鉞之橫

戰國策田單將攻狄不能下也將軍之在即墨坐而將軍攻狄不能下也將軍之在即墨坐而

織簣立而仗鉞為士卒倡當此之時將軍有死之心而士卒無生之氣此所以破燕也當今將軍黃金橫帶而馳乎淄渚之間有生之樂肆分紫磨之真爾雅黃金謂無死之心所以不勝者也

肆分紫磨之真

爾雅黃金謂之盪美者謂

之鏐郭璞云鏐即紫磨金也林邑記上金為紫磨金又曰陽邁金南史南海扶南國王諸農死子陽邁立陽邁初在孕其母夢生兒有人以金席藉之其色光麗夷人以金之精者為陽邁若中國云紫磨者因以為名昭示黃河之信
功臣表封爵之誓曰使黃河如帶泰山若

礪國以永存爰及苗裔于是申以丹書之

信重以白馬之盟

為兵餽之何不受從草作辛

尚書金曰從草從草作辛匪

伊垂之則有餘在師中吉

詩匪伊垂之帶則有餘匪伊卷之髮則有與注言非故垂

此帶也帶于禮自當有餘也禮大帶垂三尺易在師中吉无咎王三錫命

向來衆口之鑠

鄒陽

傳衆口鑠金積毀銷骨師古曰美金見毀衆共疑之數被燒鍊以至銷鑠讒佞之人肆其詐巧離散骨肉而不

覺知野客叢書屈原九章曰故衆口其鑠金兮初若是而逢殆注引鄒陽之語在後宜宜引證鄧析子曰衆口

鑠金三人成虎則先原已有此言矣國語衆心成城衆口鑠金王克論衡在五行二曰火五事二曰言言與火

值故衆口鑠金風俗通云俗說有美金于此衆人咸共詆訾言其不純賣金者欲其售因取鍛燒以見真故云

曾不累月而銷賜爾通天略吐胸中之十萬

昌黎平淮西碑賜汝

節斧通天御帶崔浩傳世祖指浩示高車渠帥曰汝曹
視此人尢纖懦弱其胸中所懷乃踰于甲兵宋名臣傳
范文正公領延安閱兵選將日夕訓練夏人聞之相戒
曰無以延州為意今小范老子腹中自有數萬甲兵不
比大范老用汝作礪便看腰下之兩重尚書若金用汝
作礪宋魏泰東

子可欺也

軒筆錄舊制學士以上並有一人朱衣吏引馬所服帶

用黃金而無魚至入兩府則朱衣二人引馬謂之雙引

金帶懸魚謂之重金矣世傳館閣望為學士者賦詩云
眼裏何時赤腰間甚日黃及為學士又作詩曰眼赤何

時兩腰黃幾日重謂雙引重金也眼

某聳聽夫揚

易夫揚于

前何日赤腰下幾時黃白樂天詩也

王庭孚號有厲疏夫決也以君子決小人故可

以顯然發揚決斷之事于王者之庭此借用

阻陪旅

賀

夫旅

寬營平先零之漕儻免裹屍

趙克國傳與大將
軍霍光定冊尊立

宣帝封營平侯擊先零羗上屯田奏分屯要害處水解
漕下馬援傳男兒要當死于邊野以馬革裹屍還葬耳

賜贊皇子闕之珍尚祈拭目

新唐書李靖傳靖五代孫
彦芳家藏靖破蕭銑時所

賜于闐玉帶十三勝七方六利勝各附環以金固
之楊脩書觀者駭視而拭目杜詩拭目萬人看

賀魏侍郎

了翁

賜金帶

宋史理宗紹定六年十一
月以魏了翁為華文閣待

制知瀘州潼川安撫使賜金帶魏了翁傳
知瀘州進華文閣待制賜金帶因其任

賜璽褒賢

循吏傳序以璽書
勉厲增秩賜金

橫金增秩

見上

書盈于閣

進思緯國之文華

漢刑法志文書盈于几閣
班彪傳數文華以緯國

帶錫之擊

昭示立朝之賓客

見上

登庸有漸寵錫非常恭惟某官

根抵六經

抵典禮切說文本根也徐曰華葉之根曰蒂木之根曰抵杜詩詞林有根抵

光芒

五緯

劉禹錫柳先生文集序粲然如繁星麗天而芒寒色正人望而敬者五行而已

忠信篤敬

學素得於書紳高明中庸強何關於衽草一笑微生於

偃月

新唐書奸臣傳李林甫有堂如偃月號月堂每欲排構大臣即居之思所以中傷者若喜而出即其

家碑矣唐岑崑吉凶影響錄李林甫創一堂有却月之形名曰却月堂欲破人家族則入堂精思後有斲棺之

禍惡之者有詩云却月堂中喜色新明朝應有破家人祿山反噬家還破破須信難欺是鬼神

十年良

耻於倚水

天寶遺事楊國忠為右相公卿以下頤指氣使或勸陝郡進士張彖謁之彖曰君輩倚楊

右相如泰山吾以為永山耳若皎日既出君輩得無失所恃乎遂隱居嵩山

上應念徒薪之

言

霍先傳臣有過主人者見其竈直突傍有積薪人望客謂主人更為曲突遠徙其薪不者且有火患

還采薇之帥

詩序采薇遣戍役也文王之時西有昆夷之患北有玁狁之難以天子之命命將率

遣戍役以守衛中國故歌采薇以遣之

姑盼芝檢

上檢書函之蓋也三刻其

題書而印之也陳江總為南陽王讓吳郡表芝泥馳印發命開函張驚奏章芝泥發彩宣鳳藻而騰文蘭檢流

香潤龍練而動色王子年拾遺記元封二年浮忻國貢蘭金芝泥常以此泥封諸函匣漢世上將出征及使絕

國多以此泥為璽封衛青張騫蘇武傳介仍進松班唐子之使皆受金泥封璽所謂芝泥蘭檢也

成元年正月詔以入閣日次對官班退立于東階松樹下須宰臣奏事畢齊至香案前各言本司事雖紫宸殿

亦有松樹為待制官立位元微之詩松門申錫九環誰待制應全遠馬戴詩待制松陰移玉殿

曰有常而循故庚金百鍊式彰從草之作辛

尚書金曰從草從草

作辛孔傳金

佩則有餘

見上條

服之無斃

詩為絺為綌服之無斃箋服整

也整治之無厭倦是

裹蹄麟趾不由郿塢之貯儲

漢武帝紀

其性貞專此借用

詔曰往者朕郊見上帝泰山見金又有白麟神馬之瑞宜以黃金鑄麟趾裹蹄以協瑞焉注獲白麟有瑞故鑄

金如麟馬以協嘉瑞也古有駿馬名騶褭赤喙黑身日行萬五千里也董卓傳築塢于郿高厚七丈曰萬歲塢

卓誅塢中珍藏

鳳閣鸞臺端屬趙家之世界

新唐書百官志光宅

元年改中書為鳳閣今為內史垂拱元年改門下省為鸞臺李嶠傳進麟臺少監同鳳閣鸞臺平章事姚崇傳

進同鳳閣鸞臺平章事新唐書劉禕之傳不經鳳閣鸞臺何謂之勅

無勤使請更覺道存

橫安平之金不難破敵

見上

解武侯之帶寧久渡瀘

蜀志

諸葛亮傳劉備以亮有殊量及三顧亮於草廬之中亮深謂備雄姿傑出遂解帶寫誠厚相結納又五月渡瀘深入不毛沈約王僧達顏峻傳論披胸解帶義止賓僚王勃餞霍使君序臨風雲而解帶眄江山以揮涕

以公歸礪資汝作某聳聞郵報竊賀厦成

並見前

兩赤重

黃自異佩芄蘭之葉

芄音丸芄蘭草名詩序芄蘭刺惠公也驕而無禮大夫刺之詩芄蘭

之葉童子佩鞶雖則佩鞶能不我甲容兮遂兮垂帶悸兮戔容容刀也遂瑞也言惠公佩容刀與瑞及垂紳帶三尺悸悸然行止有節度然其德不稱服餘見前

千紅萬紫寧能對松栢之柯

王荊公詩百紫千紅占得春

頌詠惟深敷宣罔既

代回嗣秀王

師揆

賀賜玉帶

宋孝宗繼統封秀王子孫為嗣秀王按宋

史師揆太祖九世孫

揚庭渙號

易夫揚于王庭渙渙汗其大號詳見前

分寶展親

尚書分寶玉于同姓之國

時庸追琢其章璫璆簪紳之長

詩追琢其章金玉其相注追雕也金曰雕玉曰

琢周禮追師掌治衡筭衡筭以玉為之而職曰追師則追亦治玉之名追琢金玉使成文章璫音崔璆音繫說

文玉溫潤而澤彰施袞繡之光

禮記君子比德于玉溫潤而澤仁也縝密以栗

知也廉而不剌義也垂之如墜禮也叩之其聲清越以長樂也瑕不掩瑜瑜不掩瑕忠也孚尹旁達信也氣如

白虹天也精神見于山川地也圭璋特達德也恭惟其

天下莫不貴者道也尚書以五采彰施于五色

官德濬璿源

顏延年詩玉水記方流璿源載圓折宋璿源分沁太祖位下德惟從世令予伯師希

與孟由字號師字係九世孫

望儲琳館合宮薦瑞恪陪主邸之恭

管子

黃皇有合宮以廣政尸子欲觀黃帝之行于合宮史記成王削桐葉為主以封叔虞邸典禮切說文屬國舍徐曰諸侯來朝所舍曰邸顏師古曰漢制郡國朝宿之舍在京師者悉名邸白帖諸王朱邸御府闡珍

寧假玉人之琢萬釘錯落

崔顥詩錯落金鑠甲注間廁也東坡詩錦袍錯落真相稱

六服焜煌

焜戶衮切說文煌也增韻焜煌先也或作焜封禪書煥炳焜煌又公渾切服虔曰明也煌

胡先切說文輝也

某未能造朝猶稽走賀楊休屹立更勤珠璧

之投

鄒陽傳明月之珠夜先之璧以暗投人于道餘見前

病骨難堪莫辦瓊瑤之

報東坡詩病骨難堪玉帶圍詩
投我以木桃報之以瓊瑤

被召

共四條徽本闕今補

賀綿州高知府

定子

赴召

綿州在成都東北三百六十里本漢廣漢郡之

涪縣蜀漢屬梓潼郡晉以後屬梓潼巴西二郡西魏改縣曰巴西置潼州隋初改為綿州後改為金

山郡唐初復為綿州天寶初改巴西郡乾元初復為綿州宋仍舊互見後○宋史高定子字瞻叔嘉

定二年舉進士授郫縣主簿辟丹稜令以同產弟魏了翁守眉改監資州酒務差知夾江縣長寧軍

尋知綿州時元兵穿鳳州塞破武休下興元小校張鉞以其徒潰入文州殺守臣楊必復將自龍趨

縣以闔成都安撫使黃伯固奏定子兼參議官措置文龍備禦定子乃剖分諸軍扼青塘嶺鉞就擒

定子身任兩司之責極其勞勩以收捕張鉞功進
三官以防邊收招潰兵功又進一官進直寶章閣
再任頃之召入奏事吏民追送莫不流涕鄴郡聞
定子至焚香夾道舉手加額曰微公吾屬塗炭久
矣歷官簽書樞密院事兼
權參知政事卒贈少保

疇庸廉水

柳文皇天疇庸審厥保承廉水在綿州彰明
縣北平地泉出宋書明帝因言及貪泉問梓

潼人范栢年曰卿鄉土有此泉否栢年對曰梁益間惟
有廉泉讓水不聞有貪泉帝善之即拜梁州刺史按今
漢中府亦
有此二水奏計甘泉
文帝紀上幸甘泉師古曰甘泉在
雲陽即奏林先宮武帝紀受計于

甘泉師古曰受郡國所上計簿也若今之諸
州計帳高駢詩歸來長安道召見甘泉宮
駕兩朱轡

去載屹頽波之柱

劉禹錫詩世道劇頽波我心如砥
柱山谷詩砥柱閑頽波餘見前
奉

尺一詔茲晨趙文石之塗

陳蕃傳尺一選舉注漢以尺一板寫詔書山海傳宰相三

日不朝與尺一令歸第令何慮耶陽球傳不得稽留尺一魏志明帝紀尺一詔書

用人如斯

魏志

毛玠傳玠為東曹掾太祖歎曰用人如此使天下人自治吾復何為哉

通國幸甚恭惟某

官參旗孕秀

晉興服志參旗分景帝車含曜晉天文志參魏益州禮記參取象熊旂象伐注輅人

熊旂六旂以象伐也晉天文志參旗九星在參西一曰天旗一曰天弓西南九星曰九旂天子之旗也蘇易簡擬宋玉大言賦參井絡載英

蜀都賦岷山之精上為井絡江漢炳靈世載其英

師友卿雲黼黻交輝於河漢

廣絕交論舒向金玉伯仲淵海卿雲黼黻河漢

伊呂羽毛盡在於雲霄

杜詩伯仲之間見伊呂指揮若定失蕭曹三分割據紆籌策萬

古雲霄一羽毛

言從磊落之州

杜詩綿州州府何磊落顯慶年中越王作孤城西北起高樓碧

瓦朱堯照城郭

茂著蕃宣之最

見前

適驍貅之狼狽

驍貅猛獸史記黃帝教熊

羆羆貅羆虎以與炎帝戰於阪泉之野狼音貝狼屬生子欠一足二足相離而行離故碎遽謂之狼狽神異經

附狼而行委鴻鴈於牛羊

詩序鴻鴈美宣王也萬民離散不安其居而能勞來還定

安集之詩鴻鴈于飛哀鳴嗃嗃

一人之情千萬人之情親援桴而立鼓

杜牧之阿房宮賦一人之心千萬人之心也桴音浮擊鼓杖亦作枹桴棟之桴音夫世多誤用史記司馬穰苴

傳援桴鼓之急則忘其身索隱曰枹音浮正義曰鼓挺也田仁傳提桴鼓立軍門不及任安

百步而

止五十步而止紛棄甲以曳兵公獨作張睢陽之守城

新唐書張許傳贊張巡許遠以疲卒數萬嬰孤墻抗方張不制之虜鯁其喉牙使不得搏食東南牽掣首尾歷潰梁宋間大小數百戰雖力盡乃死而唐全得江淮財用以濟中興引利償害以百易萬可矣上不識

顏平原之何狀

新唐書顏真卿傳祿山反河朔盡陷獨平原城守具備使參軍李平馳奏帝大

喜謂左右曰朕不識真卿何如人所爭乃若此

茲令四輩

陳餘傳侯者往十輩皆死傳介子傳三輩

趙克國傳凡七十輩馬周傳遣使者四輩敦趣互見前

趣覲九宸此行登仙富貴

乃緒餘之事

新唐書倪若水傳時天下久平朝廷尊榮人皆重內任雖自冗官擢方面皆自謂下

遷班景倩自揚州採訪使入為大理少卿過汴州若水餞于郊頭左右曰班公是行若登仙吾恨不得為騶僕

惟公懋德功名留久遠之看

尚書惟公懋德克勤小物蔡襄詩世間萬事俱塵土

留取功名
久遠看

某屯蹇百罹

詩我生之初尚無為我生之後
逢此百罹說文罹心憂也又遭

也冒也爾雅毒
也注憂思慘毒

睽離半世

韓詩與子昔睽離嗟予苦
屯剝屯蹇睽離四卦名

玷

征夫之濡轡幸君子之得輿

並見前

有德進則朝廷尊既

聞耳矣

東坡集士以德望進則風俗厚而朝廷
尊食貨志既聞耳矣注聞于天子之耳

所用賢

則功施普當拭目焉

王褒傳賢者國家之利器也所任
賢則趨舍省而功施普器用利則

用力少而就
效衆餘見前

回諸處賀名命

匹雛無力久動歸去來今之思四牡何功誤叨詣行在

所之命

俱見前

方切循孔牆之避

家語三命而俯循牆而走

未遑謝鄭

轂之推

鄭當時傳其推轂士及官屬丞史師古曰推轂言薦舉人如車轂之運轉也

敢意雲

箋先馳霧驛恭惟某官璽書增秩斧繡生輝德既厚於

蘇枯道仍隆於拔茹

並見前

噓是拂是起死草之華風

李賀

詩誰知死

繫之維之憐生芻之空谷

詩皎皎白駒食我場苗繫之維之以

草生華風

永今朝皎皎白駒在彼空谷生芻一束其人如玉注宣王不能用賢有乘白駒而去顧此去者乘白駒而來使食我場中之苗我則絳之繫之以永今朝愛而欲留之也今乘此皎皎然白駒之賢人在彼大谷之中矣汝行所舍主人禮餼雖薄止有東芻要得其德如玉者就之不可貪餼而棄賢也

齒牙所借

見羽前

翼斯成

張良傳羽翼已成難動矣

顧某欲拜威顏

左傳天威不遠顏咫尺

既愆

膂力

尚書番番良士旅力既愆

不能者止詎堪再傍於九關

宋玉招魂虎豹

九關言天門九重虎豹守之

兆足以行或許退專於一壑

謝鯉傳明帝問鯉曰

論者以君方庾亮自謂何如答曰端委廟堂使百僚準則則鯉不如亮一邱一壑自謂過之陸機文古之逸民輕天下而欲專一邱之權擅一壑之美豈不身重于宇宙哉

徒勤褒飾但愧感藏

謝趙制置

彥呐

安總領

癸仲

賀辭召不允

宋史趙彥呐字

敏若彭州人登四川類試第少以材稱吳曦叛彥呐結義士殺其僞夔守祿禧遂顯名嘉定十二年安丙檄使經理西和州轉提點尋帥沔州寶慶元年移帥興元紹定間為桂如淵李璫黃伯固副使端

平元年遂升正使三年金人大入至三泉彥呐大敗貶衡州詳見後安癸仲安丙之子董居誼帥蜀大失士心金人乘之來師所至輒潰羈子述代之時癸仲知果州子述檄蕪參議官紅巾賊叛子述檄癸仲蕪節制軍馬任討賊之責宋史理宗寶慶元年以安癸仲為戶部郎中總領四川財賦

漕永未解敢希全璧之歸

趙克國傳永解漕下

戌雪將更誤玷與

環之寵

杜詩西山白雪三城戍南浦江清萬里橋荀子聘人以珪問士以璧召人以璲絕人以玦反絕

以環范甯穀梁傳注君賜之環則還賜之玦則往抑詩未賜大夫環又賜環留逸響偃僂再三而

引避

家語一命而偃再命而僂三命而俯循牆而走偃於語切僂音樓身向前也偃恭于僂俯恭于偃

威顏咫尺之難處此非左右之先容孰與吹噓而送上

伏念某志隨學落氣與年凋虛警空悲皆信書而成誤

乾愁漫解覺行道之猶非

並見前

自再泝於岷江已九鑽

於巴火

杜詩九鑽巴巽火

奉法循理奈倡矣而莫隨節用愛人

愧行之之未盡

自警篇李文靖公作相常讀論語或問之公曰沆為宰相如論語中節用而愛

人使民以時兩句尚未能行聖人之言終身誦之可也

每覺匹雛之無力敢言四

牡之有功

詩序四牡勞使臣之來也有功而見知則說矣

招大夫以旌豈為我

設

阮籍傳嫂嘗歸寧籍相見與別或譏之籍曰禮豈為我設哉

越小臣諸節亦廁旁

招

尚書惟厥正人越小臣諸節孔傳于小臣諸有符節之吏廁初吏切釋名雜也一曰間也次也

未敢

隨召驛之塵將復返屠羊之肆詎期巽櫝莫反渙章此

蓋制置某官以禮樂英為詩書帥十七年干城之底績

數百戰尊俎之折衝

並見前

迄厲二矛重弓之威

詩朱英綠滕二

矛重弓注二矛重弓備折壞也美僖公用兵征伐

俾無匹馬隻輪之返

穀梁傳秦伯襲

鄭晉人與姜戎要而結之穀匹馬倚輪無返者注倚輪一隻之輪公羊傳匹馬隻輪無反者注匹馬一馬也隻

蹄也皆喻盡潘岳西征賦曾隻輪之不反綠三帥以渡河

草尺書而招贊普聞已請

降東坡詩試草尺書

獎三軍而定中原即觀奏凱

出師表南

方已定兵甲已足當獎帥三軍北定中原凱通作愷軍勝之樂周禮春官王師大獻奏凱樂左傳晉文公振旅

愷以入于晉樂書風謂之凱風天地之愷氣散王師大獻謂之愷樂人之愷氣已焉雲笈軒轅記帝五十二戰天下大定始作柷鼓曲靈夔吼鵬鸚爭石墜崖壯士怒元雲朱鷺等曲謂之凱歌每借齒牙之

餘論不遺毛髮之謏材

並見前

致茲無用之人亦有罔功

之奏

尚書數同日奏罔功

此蓋總領某官世濟膚公

詩薄伐玁狁以奏膚公

家傳遠略

張九齡詩山川動遠略原隰軫皇情

卿月高升於金掌

杜詩卿月升金

掌陣雲運捷於玉關

庾信詩陣雲千里散黃河一代清玉關在燉煌郡壽昌縣漢龍勒縣

也玉關在縣北陽關在玉關之南故曰陽一縣而兩關者自此而趨西域有南北道故也智運木牛

師不憂於左次

易師左次无咎象曰左次无咎未失常也

權無茗駿貢爭效

於右牽

禮記效馬效羊者右牽之效犬者左牽之

佇積勛庸徑登

假驥音

音格詩既載清酤賚我思成亦有和羹既戒既平駿假無言時靡有爭綏我眉壽黃耆無疆

妄借齒

牙之重不遺毛毳之微

韓詩外傳孟嘗對晉平公曰鴻鵠一舉千里所恃者六翮耳背

上之毛腹下之毳孟一把飛不為如高損一把飛不為如下今君之食客門左門右各千人亦有六翮在其中矣將皆背上之毛腹下之毳耶毳啍瑞切細毛也按此一聯與前重複宜更訂之

致此絲綸許

令敷奏

尚書敷奏以功

某敢不益加黽勉復策駕庸雖無治聲

塞海內寡二之問

吾邱壽王傳子在朕前之時知畧輻湊以為天下少雙海內寡二及至連

十餘城之守任四千石之重甚不稱在前時何也

願陳民德當雲中第一之歌

謝利路高提刑

稼

賀辭召不允

宋史忠義傳高稼字南叔邛州蒲江

人真德秀一見以國士期之嘉定七年進士潼川制置使崔與之聞其名辟幹辦本司公事稼持論不阿及鄭損為制置使即求去損之入蜀也稼同產弟魏了翁諫言于朝謂必敗事損銜之遂劾罷稼寶慶三年元兵至武階損棄沔而遁桂如淵鎮蜀辟通判沔州如淵以便宜命稼利路提刑司燕權興元府制置司如淵既罷李壘代之御史汪剛中如淵黨也欲使稼分其罪乃謂蜀之敗實由稼削二官李心傳見上訟稼無罪制置使趙彥呐以參議官避之會彥呐召還密奏留稼以直秘閣知沔州利州提點刑獄兼參議官沔無城依山為阻北兵大至稼死之詔進稼七官為正議大夫龍圖閣直學士諡曰忠後以子斯得報政累贈太師稼為人慷慨有大志推轂人士常恐不及視財如糞

土死之日聞者莫不流涕所著有
縮齋類稿三十卷斯得自有傳

水漕終更誤玷予環之寵

見上條

露章未允難從俟駕之

私

何武傳所舉奏二千石長吏必先露章禮記凡君召在官不俟屨在外不俟車

退循頂踵之

歸皆出齒牙之借

並見前

至勤下問尤佩高情恭惟某官

胸著千年

陳後山詩胸中歷歷著千年

身兼數器

薛宣傳經術文雅足以謀王體斷國

論身兼數器有退食自公之節

人或刼刼而不足

韓文人皆刼叔我獨有餘

公獨恢

恢乎有餘

莊子恢恢乎其於遊刃必有餘地矣

繫之維之惟恐生芻之空

谷

詩皎皎白駒食我場苗繫之維之以永今朝又皎皎白駒在彼空谷生芻一束其人如玉注繫絆維繫也

宣王不能用賢有乘白駒而去者願此白駒食我場中之苗我則絳之繫之以永今朝愛而欲留之也空大也言乘白駒而去之賢人今在大谷之中矣汝行所舍之主人禮餽雖薄止有生芻一束耳當得其人如玉者而就之不可貪噓是拂是能吹死草之華風德既辱於蘇餽而棄賢也

枯道亦隆於拔茹

並見前

致茲頑鈍亦預招徠

徠古文來字

某

敢違威顏

左傳天威不遠顏咫尺言君尊如天其威嚴常在顏面

既愆膂力

尚書番番

良士膂力既愆

不能者止詎堪再傍於九闕兆足以行或許退

休於一壑

並見前

四六標準卷九

欽定四庫全書

集部

四六標準卷十

詳校官庶吉士臣何道沖

主事_臣呂霽棟覆勘

總校官進士臣繆琪

校對官助教臣羅萬選

謄錄監生臣李元偁

欽定四庫全書

四六標準卷十

宋 李劉 撰

進職

賀董侍郎

居誼

進職

雜學除學士

制垣進秩

職源翰林學士與中書舍人分為兩制權德輿集左右掖垣承天子誥命

寶閣升

班

宋會要龍圖閣宋大中祥符中建在會慶殿西偏以奉太宗御書御製文集及典籍圖書寶瑞之物東坡

集中禁寶儲學士班在樞密直學士之下大中祥符六年詔結銜在本官之上

諭蜀良勞勉狗

假留之願

司馬相如傳諭告巴蜀民以非上意寇恂傳百姓遮道曰願從陛下復借寇君一年乃留

恂長社鎮撫吏人

登瀛固寵况加真拜之榮

宋史職官志仕人以登臺閣升禁從

為顯官而不以官之遲速為榮滯以差遣要劇為貴途而不以階勲爵邑有無為輕重時人語曰寧登瀛不為卿寧抱槩不為監翰苑新書李昉入直翰林盧多遜已任學士太祖見昉在多遜下問其故宰相曰昉以本官直學士院未即真拜真拜學士在多遜之上綸綍載揚紳緌交慶見前恭惟某

官清如秋刷

爾雅釋詁拒拭

刷清也周禮凌人職夏頒冰掌事秋刷注刷清也先鄭云刷除冰室

當更納新冰後鄭云秋涼冰不用可以清除其室

和若春陽雲夢胸寬吞一百

八盤而無險

司馬相如傳吞若雲夢者八九其於胸中曾不蒂芥陸務觀入蜀記南陵山極高大

有路如綫盤屈至絕頂謂之一百八盤蓋施州正路山谷詩浮雲一百八盤縈落日四十八渡明又云一百八

盤攜手上又云一百八盤天上路又云蛇退猿啼百八盤即此謂也一百八盤自荊州上峽入黔中路名山谷書萍鄉縣廳云略江陵上夔天風背厚獨負三十六郡峽過一百八盤涉四十八渡

而有餘

莊子風之積也不厚則其負大翼也無力故九萬里則風斯在下矣而後乃今培風背負青天

而莫之天闕者而後乃今將圖南

三年有成萬物吐氣

杜少陵春陵行序今盜賊未息

知民疾苦得結輩十數公落落然參錯天下為方伯萬物吐氣天下少安可待矣

不見賈誼固

深半夜之思

賈誼傳文帝思誼徵之至入見至夜半文帝前席既罷曰吾久不見賈生自以為過

之今不及也

願借寇君難抑庶民之請

見上文

仍魚鳧之開國

見峻龍馬之負圖

曲阜集河圖寵名增峻班列

一札細行增井鉞參

旗之重

後漢書一札十行細書成文天官書東井為水事其西曲星曰鉞晉天文志列鉞一星附井之

前主伺淫奢而斬之故不欲其明明與井齊則用鉞于大臣參旗九星在參西晉書輿服志參旗分景帝車舍曜蘇易簡擬宋玉大言賦日烏月兔曜文明也參旗井鉞嚴武偕也詳見賀綿州高知府赴召條

三謨

大訓貫奎文壁府之華

尚書有二典三謨又赤刀大訓孝經援神契奎主文章注奎星

屈曲相鉤似文章之畫晉天文志東壁二星主文章天下圖書之秘府也明則圖書集道術行歡動南

衙

唐制天子居曰衙行曰駕一曰行軍有衙尊者所在後人因以治為衙字文士及傳南衙諸臣面折廷爭

李揆傳本朝置南北衙文武區別高元裕膽寒西賊宋

臣傳范文正公與韓魏公協謀必欲收復靈夏橫山之

地邊上謠曰軍中有一韓西賊聞之心骨寒軍中有一

范西賦聞之驚破膽

學士象八節不過一歲之少留

新唐書百官志分注景龍

二年置弘文館大學士四人以象四時學士八人以象八節直學士十二人以象十二時又翰林學士一歲則

遷刺史入三公便在五雲之多處

後漢書尚書令僕出為郡守郡守入為三

公杜詩南極一星朝北斗五雲多處是三台

何限麒麟之畫

漢宮殿疏天祿麒麟閣蕭何造

以藏秘書畫賢臣蘇武傳宣帝甘露三年二月單于始入朝上思股肱之美乃畫霍光等至蘇武凡十一人於麒麟閣明著中興輔佐列於方叔召虎仲山甫焉

滿期龜鶴之還某何足控搏

並見前

淳蒙料理

南史陳帝紀論黃塵汚人衣皂莢相料理王徽之傳為桓冲騎兵參軍冲謂徽

之曰卿在府日久比當相料理

白水魚竿之入幕竟作退飛

杜詩白水魚竿客清

秋鶴髮翁胡為來幕下祗合在舟中左傳六鷁退飛過宋都

青天鳥道之撫膺又勤

羅致

李詩蜀道難難於上青天西當太白有鳥道可以橫絕裁眉巔捫參歷井仰脅息以手撫膺坐長歎

韓文以禮為羅與其徒索長安之米

見前

不如來賦灩澦

之堆

李詩瞿塘灩澦堆東坡作灩澦堆賦云世以瞿塘灩澦堆為天下之至險以余觀之蓋有功于斯人

者因為之賦以待好事者試觀而思之

直為文翁再剖符兆足行矣

杜詩得歸

茅屋赴成都直為文翁再剖符

安得仙人九節杖亟往從之

真語楊義夢蓬萊仙

翁柱赤九節杖而視白龍杜詩安得仙人九節杖柱到玉女洗頭盆

賀陳提刑

天宜

進職

懋賞外臺

尚書功懋懋賞謝夷吾傳尋功簡能為外臺之表晉書刺史國之外臺

升班中

秘見前

激西江之水已驗澄清

莊子我將南游吳越之王激西江之水而迎子

貫

東壁之星有光臨照

石氏星經東壁之星主文籍

恭惟某官載揚淑

問

詩淑問在臯陶在泮獻因淑問善問獄

誕受嘉師

尚書受王嘉師

方當攬轡之

初見前

適有跳梁之寇

蕭聖之傳小夷跳梁於山谷間梁絕水取魚者

無煩芟薶

薶音芻廣韻芟草也韓文乃草薶而禽獮之

竟折萌芽

李尋傳防絕萌芽以溢滌濁穢東坡富鄭

公神道碑維彼北戎謂帝我驕帝聞其言折其萌芽

為赤子為龍蛇各安汝迹

韓文

以武則忿以憾以恩則橫而肆一以為赤子一以為龍蛇

不鯨鯢不虺蜴時乃之功

柳文小不為虺蜮大不為鯨鯢
恩重事持不逼而遠莫可追已

簡于楓陛之知

說文解字云楓

木厚葉弱枝漢宮殿中多植之景福
殿賦芸若充庭槐楓被宸陛音婢

華以蓬山之直

華嶠

後漢書學者稱東觀為老氏
藏室道家蓬萊山直秘書省

雲烟縹緲暫煩俯章貢之

流

縹緲也海賦神仙縹緲飡玉清杜詩築居仙縹緲章貢二水合為贛水東坡詩風酣章貢秋

朝夕

論思行即遂承明之謁

兩都賦朝夕論思日月獻納嚴助傳君厭承明之廬注翰林有

承明金鑾在石渠門外選詩謁帝承明廬

某竊聞成命輒布賀緘何敬非刑

諒益謹五辭之聽

尚書何敬非刑何度非及又兩造具脩師聽五辭

有功則悅

行將勞四牡之征

詩序四牡勞使臣之來也有功而見知則悅矣

代回趙茶馬

彥綰

謝進職

寶儲進直

東坡謝除龍圖閣學士表中禁寶儲上應奎壁之象先朝謨訓遠同河洛之符趙蓋以龍

圖閣學士提舉川司茶馬

聖命諭留經河緯洛之文章官由人重

易繫

辭河出圖洛出書聖人則之言進直龍圖閣

控蜀通秦之權牧功以久成

山谷

詩玉鈐金印臨參井控蜀通秦四十州權謂茶牧謂馬宋制秦馬舊二萬疋乾道秦川買馬之額歲為萬有一千九百匹有奇川司六千秦司五千九百成都利州路十一州產茶二千一百二萬斤其後文州改隸秦司而川司增珍州之額共為四十八百九十六秦司六千一百二十合兩司為萬有一千十有六疋所謂控蜀通秦之權也

牧也

更何為哉其有試矣恭惟某官天潢擢秀

史記天官書王

良旁有五星絕漢曰天潢元命包曰潢主河渠所以度神通八方宋均云天潢天津也津塗也主計度也崔廓答豫章王啟稟秀天潢承輝日觀呂安書植根芳苑擢秀清流奕葉飛英禮樂遠而先

華遒車言邁

並見前

忠信行於蠻貊思馬斯臧

詩駟駟壯馬在垌之

野薄言駟者有驕有皇有驪有黃以車彭彭思無疆思馬斯臧正義云僖公思遵伯禽之法反復思之無有竟已至于馬亦令使至此善茲膺因任之榮宋制進秩還任者謂之因任平齋集筆礫擢都大坑

冶鑄錢司職事修舉直秘閣因其任凡十餘年曠典也

仍拜加恩之寵歲九遷其

自此

見前

畫三接其必然

易畫日三接

某越在師屯

漢律勒兵而守曰屯

例蒙巽謝翦白鹿坡前之草中夜枕戈

白鹿山在今成都府彭縣西北

二十里舊有金覺禪寺相傳晉佛圖澄所建劉琨傳琨與范陽祖逖為友聞逖被用與親故書曰吾枕戈待旦志氣逆虜常恐祖生先吾著鞭其意氣相期如此對碧鷄坊裏之花何時樽酒

碧鷄坊在成都杜詩時出碧鷄坊西郊近草堂市橋官柳細江路野梅香東坡詩時夢碧鷄坊杜詩何時一樽酒重與共論文

轉官

代董侍郎轉官謝三府

守關山之戍愧乏殊勲

梁簡文詩關山遠可度遠度復難思王訓詩驅車度關山關山

恒晦霽陳陸瓊詩邊城與明月俱在關山頭徐陵詩關山三五月客子憶秦川阮卓詩關山陵漢開霜月正徘徊

徊北周王褒詩關山夜月明秋色照孤城唐崔融詩萬里照關山蒼茫非一狀沈佺期詩暈落關山迴光含霜霰微杜詩關山空月寒又關山同一序歲月之勞猥升照孟郊詩行當獻天子然後致殊勲

華秩無功報上有愧積中

愧字重

伏念某一出西垂

說文垂遠

邊也左傳虔劉我邊垂谷永傳三垂晏然庾亮傳吾憂西陲過于歷陽此西垂指蜀言

六逢朔易

尚書平在朔易

惟是窮日之力麓守封疆

禮記正其封疆潘岳詩申命群司保爾封

疆

不敢貪天之功輒僥爵賞

左傳竊人之財猶謂之盜况貪天之功以為己力乎

茲蒙恩紀

後漢書孔融傳文舉既非舊好鴻豫亦無恩紀吳志朱治傳所以供奉輔護甚有恩紀蜀

志先主至京見權網繆恩紀二主妃子傳人倫之始恩紀之隆莫尚于此矣晉書陳敏傳公冑早交恩紀特隆

刁協傳協素無恩紀募從者皆委之陳書江總傳夙荷
昭晉恩紀契闊姚察傳東朝攀附恩紀謬加江淹詩儲
后降嘉命恩

俯錄年勞

後魏吏部郎中薛淑上言使選
曹惟取年勞不簡賢否則義均

紀被微身
行鴈次若貫魚勘簿呼名一吏足矣東魏高澄秉政乃
華後魏崔亮年勞之制務求才實宋張棣胡銓久不理
年勞上嘉其廉靜詔棣
特進兩官銓磨勘四官揆厥所元豈無其自恭惟某官

翼扶萬化器使羣工天地為爐每曲成於萬物

賈誼傳
天地為

鑪造化為工繫辭範圍天地之
化而不過曲成萬物而不遺

山藪藏疾豈求備于一

夫
左傳山藪藏疾瑾瑜匿瑕尚書
爾無忿疾于頑無求備于一夫
致此孤蹤亦叨異數

左傳禮
亦異數
誓殫駑力仰答鴻休

轉朝請郎謝黃侍郎

伯固。杜氏通典朝請郎隋置散官蓋採晉宋齊梁陳並

有奉朝請為名唐因之顯慶制侯出身正七品上叙宋元豐更官制以朝請郎換前行員外郎侍御史

荒服輦輸何益樵蘇之後

尚書五百里荒服寇恂傳以輦車驪駕轉輸前後不絕

信傳樵蘇後爨師不宿飽注樵取薪也蘇取草也

副郎銖積叨升糠粃之前

文歸

帝侍講盛山詩序常侯以考功副郎守盛山東坡集寒女之絲銖積寸累孫綽傳簸之颺之糠粃在前

曾

微日奏之功

尚書敷同日奏罔功

僅守年勞之叙

見上條

然於踈拙

亦是僥踰自昔就第之侯號奉朝請

後漢書賈復傳復以列侯就第二十

八將傳論所加特進朝請而已注耿弇好時侯食邑二縣奉朝請漢律春曰朝秋曰請杜氏通典奉朝請無員本不為官位宣帝紀宣帝為皇孫時得奉朝請漢官解注三輔職如太守獨奉朝請張禹以特進奉朝請蕭望之以關內侯奉朝請續漢書前漢列侯奉朝請在長安次三公通典東京罷省三公外戚皇室諸侯多奉朝請奉朝請者奉朝會請召而已野客叢書今呼朝請郎及奉朝請並作上聲攷漢書朝請其說有二如漢律所云此合從去聲如竇嬰不得朝請王陵竟不朝請之類是也師古注才姓反如杜氏通典所云當作上聲故韓退之東坡詩並作上聲押也

本朝雜端之職頃視班聯杜氏通典侍御史之職有四謂

推彈公廨雜事定殿中監察以下職事及進名改轉臺內之事悉主之號為臺端他人稱之曰端公其知雜事者謂之雜端

自官制正名之餘宋史職官志宋承唐制最為雄劇居其官不知其職者十

常八九自真宗仁宗以來議者多以正名為請咸平中楊億首言文昌會府有名無實宜復其舊既而言者相繼乞復二十四司之制至和中吳育亦言尚書省天下之大有司而廢為閑所當漸復之然朝論異同未遑釐正神宗即位慨然欲更其制熙寧末始命館閣校唐六典元豐三年以摹本賜群臣乃置局中書命翰林學士張璪等詳定下詔肇新官制省臺寺監領空名者一切罷去而易之以階

寄員郎前行之祿

全上元豐三年詳定所上寄祿格元祐初以流品無別詔寄祿官悉分左右詞人為左餘人為右兩京新記尚書郎自兩漢已後妙選其人唐武德貞觀以來尤重其寄吏兵部為前行最為要劇自後行改入皆為羨選考功員外專掌試貢舉人員外郎之最望者司門都門屯田虞水膳部主客皆在後行閑簡無事宋史職官志元豐寄祿格以階易官新官朝請郎舊官前行員外郎侍御史新官朝散郎舊官中行員外郎起居舍人新官朝

奉郎舊官後行員外郎左右司諫通典開元令尚書六曹吏部兵部為前行戶部為中行禮部工部為後行

遙瞻粉省知隔幾塵

杜詩馨香粉署妍白樂天詩文昌新入有光輝紫界宮牆白粉闌

起詩粉署花驄入丹霄紫誥重杜氏通典省中皆以胡粉塗壁廣異記唐常行式為西川採訪使有姪曰子威溺于神仙修煉之術有步卒丁約者執廝役于部下子威頗私之一日辭去謂子威曰即君道情深厚不欺暗室終當棄俗尚隔兩塵子威曰何謂兩塵約曰儒謂之世釋謂之劫道謂之塵善堅此心亦復遐壽近視

土山不容一蹴

談賓錄唐諸郎不自員外拜者謂之土山頭果毅言遽拜崇品有似長征兵回

便授遠遠果毅景雲中趙謙光自大理正使遷戶部郎中而員外郎賀涉遂戲詠曰員外由來羨郎中望不優寧知粉署裏翻作土山頭蹴子六切說文躡也

頤某無似知命不猶前

見載馳載

驅曾何裨於苞栩

詩肅肅鵠羽集于苞栩王事靡盬不能藝稷黍言先勞而後獲所集以

喻人當先勞而後得所安

不稼不穡亦何取於廩禾

詩不稼不穡不穡不稼取禾三百廩兮

不狩不獵胡瞻爾庭有懸貍兮

偶成鑽員外之天誰實為將軍之地灌夫

傳今衆辱程將軍獨不為李將軍地乎師古曰言既毀程令廣何地自安

茲蓋伏遇某官以

大司馬

杜氏通典大司馬古官也掌武事項羽以曹無咎周殷並為大司馬朱博傳武帝罷太尉始置

大司馬以冠將軍之號春秋運斗樞黃帝坐玄泥與大司馬容光臨觀鳳銜圖置黃帝前

為冠軍侯

霍去病傳上曰票姚校尉去病斬首捕虜二千二十八級得相國當戶斬單于大父行藉若侯產捕季父羅姑

比再冠軍以二千五百戶封去病為冠軍侯

養民以致賢人

蕭何傳臣願大王王漢中養其

民以致賢人收用巴蜀
還定三秦天下可圖也

開誠而布公道

蜀志諸葛武侯傳評約官職從

權制開誠

河以南皆為晉土爭擊楫以渡江

祖逖傳帝以逖為奮

威將軍豫州刺史渡江中流擊楫而誓曰祖逖不能清
中原而復濟者有如大江辭色壯烈眾皆慨歎愛人
下士雖疎交賤隸皆恩禮遇

陝而東主之周公且徹桑

於未雨

公羊傳自陝而東者周公主之自陝而西者召公主之詳別見

藉腹中之兵甲

崔浩傳世祖指浩示高車渠帥曰此人虓纖懦弱手不能彎弓持矛其胸中所懷乃踰于甲兵

成塞上

之金湯

山谷詩塞上金湯惟粟粒

燕人悅則取之昆夷維其喙矣

詩混

夷駢夫維其喙矣傳駢突喙困也箋混夷狄國也見文王之使者將士眾過巴國則惶怖驚走奔突入此柞

械之中而逃甚困劇也王伯厚辭學指南云宣和取燕
山群臣稱賀令一館職作表仍語以燕人悅則取之一
句不得不使其人搜經句欲對未得王猶念獼猴騎土
初寮曰何不曰昆夷維其蒙矣遂用之

牛之鈍

魏志州泰為司馬宣王所知屢在艱中宣王留
缺待之至三十六日擢為新城太守宣王為泰

會使尚書鍾繇調泰曰君釋褐登宰府三十六日擁麾
蓋守兵馬郡乞兒乘小車一何駛乎泰曰誠有此君名
公之子少有文采故守吏職獼猴騎土牛又何遲也眾
賓咸悅李詩獼猴騎土牛羸馬夾雙轅又沐猴而冠不
足言身騎土牛滯東魯

欲試奔蜂化蠶蠋之奇

莊子奔蜂不能化
蠶蠋越鷄不能伏

鵲卵注奔蜂小蜂也蠋音蜀蠶蠋豆蠶中大青蟲也
說文蜀葵中蠶詩蛸蛸者蠋一名蛸爾雅蛸為蠋

下

至斗量

吳書吳使中大夫趙咨使魏魏主問吳如大夫
者幾人咨曰聰明特達者八九十人如臣之比

車載斗量不可勝數唐武后遣使存撫四方所舉之人
無問賢愚悉加擢用時人為之語曰補闕連車載拾遺
平斗量擢槌侍御
尚叨寸進
老子不敢進寸而退尺韓
史盜脫校書郎
文進寸退尺卒無所成

某所慙骭髀

趙壹傳伊優北堂上骭髀倚門邊注骭髀高亢倬直之貌

不足控搏

見前

吾愛吾廬詎敢希於軒冕

陶詩孟夏草木長遠屋樹扶疎衆鳥欣有託吾亦愛吾廬

莊子今之所謂得志者軒冕之謂也軒冕在身物之儻來者也

我任我輦願少緩於鞭

答

詩我任我輦我車我牛詳見前

轉朝奉郎謝監司

內服輦輸何益樵蘇之後

尚書越在內服百寮庶尹餘見前

外郎銖積

叨升糠粃之前

惠帝紀中郎郎中滿六歲爵三級四歲二級外郎滿六歲二級蘇林曰外郎散

郎也餘見前

曾微日奏之功僅守年勞之次然於庸謏亦是

僥逾自昔就第之侯號奉朝請

並見前

本朝橫榻之任實

視班聯

通典侍御史知雜事者謂之雜端最為雄劇食坐之南設橫榻謂之南床

其為員外

之前行蓋在官制之改後遙瞻粉省知隔幾塵仰視土

山詎容一蹴頤其無似知命不猶

並見前

水馬之走徒勞

自甘退舍

杜詩鴈兒爭水馬注水馬生水中善行如馬亦謂之海馬陳藏器云水馬一名水龜群游

水上水涸即飛長寸許四脚非海馬之水馬也東坡詩君不見水馬兒步步逆流水大江東流日千里此蟲趨

超長在此左傳凡師一宿為舍增韻三十五里曰一舍
左傳其避君三舍呂覽宋景有三善言熒惑徙三舍

土牛之騎宜鈍何敢著鞭

野客叢書前輩馬詩多引劉琨傳事如山谷詩眼明見此

玉花驄徑思著鞭隨詩翁是也此大綱言著鞭耳非為馬設前此蓋有為馬言者按蜀志何祗謂楊洪曰故吏

馬不敢駛但明府未著鞭耳世人局於所見推究不廣類如此餘見上條偶成鑽員外之天

誰實為將軍之地茲蓋伏遇某官仁深引類

劉向傳在上則引其

類在下則推其類

義重噓枯

後漢書噓枯吹生

憐其剪籠中之翎假之

羽翼

韓詩惟此兩夫子家居率荒涼帝欲長吟哦故遣起且僵翦翎送籠中使看百鳥翔憫其困

轅下之輓借以齒牙

灌夫傳佞若轅下駒

既費挈提

陳餘傳左提右挈挈

詰結切說文縣持也從手劫聲

又加獎勞愧無成績可書日月之常尚書

厥有成績紀于太常釋名日月為常

尚託餘庥歸守烟霞之痼新唐書田游巖傳高

宗幸嵩山親至其門謂曰先生比佳否答曰臣所謂泉石膏肓煙霞痼疾者帝曰朕得君何異漢獲四皓乎

回趙司戶等賀轉官

斗壘藏瘝曾微歲最

瘝或作瘰病也尚書若時瘰瘰官

天朝懋賞俾叙

年勞

見前

是為平進之常

晉書庾亮傳皆非姻族各以平進南史蔡興宗傳吾素門平進

與主上甚疎王騫傳嘗從客謂諸子曰吾家本素族自可依流平進不須苟求褚淵傳論平流進取坐致公卿周書劉璠字寶義沛人慷慨好功名志欲主事邊城不樂隨牒平進新唐書李德裕嘗論公卿子弟艱于進取

武宗曰向聞楊虞卿兄弟朋比貴勢有妨平進難講同
之路昨黜楊知立鄭朴等抑其太甚耳互見前

僚之謝敢圖高誼

平原君傳寡人聞君高義願與君為
布衣交董仲舒傳講聞高誼之日久

矣杜詩故人有孫
宰高義薄層雲

見畀屬辭恭惟某官義篤官聯

周禮
冢宰

以八法治官府三曰官聯以會官治注官聯謂國有六
事一官不能獨共則六官共舉之聯讀作連古書連作
聯聯謂連事通情親事契胥保惠胥教誨有味其言尚書

職相佐助也

尚書

古之人猶胥訓誥胥保惠胥教
誨鄭當時傳誠有味其言也

孰披拂孰吹噓不愛其

力莊子風起北方一西一東有上彷徨孰噓吹是有憐
孰居無事而披拂是韓文吾豈有愛於力乎哉

邊賞躡綴外郎笑猴騎土牛之蹤真成鈍滯

見觀
前崔化

水蛤之變要是沉淪

禮記季秋之月爵入大水為蛤
異記淮水中黃雀至秋化為蛤至

春復為黃雀五百年化為蜃蛤國語趙簡子歎曰雀入
于海為蛤雉入于淮為蜃龜鼉魚鼈莫不能化唯人不

能哀

或承之羞不知所賀

見前

某未能辟穀

史記留侯世家乃學辟穀

道引輕身郊社志李少君以穀道卻老方見上李奇曰
穀道辟穀不食之道也魏文帝典論潁川卻儉能辟穀
餌茯苓久已思蓴

蓴通作莼水葵也本草生水中葉似鳧
葵浮水上採莖堪噉三月至八月莖細

如釵股名絲蓴九月至十月漸麤在泥中名瑰蓴張翰
傳翰字季鷹吳郡人齊王冏辟為大司馬東曹掾因見
秋風起乃思吳中菰菜蓴羹鱸魚膾曰人生貴得適志
何能羈宦數千里以要名爵乎遂命駕而歸著首邱賦

士夫爭磨勘而殺人幸容苟免

宋史蘇軾傳王安石曰
人須知行一不義殺一

不辜得天下弗為乃可軾戲曰今之君子爭將軍以告
減半年磨劬雖殺人亦為之安石笑而不言

身而易醉行可勻歸

唐書至德中專以官爵賞功及收散卒大將軍告身一通纔易一醉

改官

改官謝丞相

壁水綴員已抱罔功之愧

禮記天子辟雍注辟雍園如壁實以水內如覆盆外如偃

蓋也桓譚新論王者作園池以壁形實水其中以園墜之名曰辟雍言為國錄

金閨登藉復叨

寓祿之恩

齊謝朓詩謬通金閨藉李詩謬題金閨藉言為架閣

此聖世優職事之

常而愚夫無功狀之實全出鑪錘之造敢忘竿牘之恭

並見

前 竊以祿至宣德之階雖八品秩

通典宣德郎隋置散官唐因之顯慶

制伯出身七品下叙子出身從七品上叙宋史職官志文散官朝奉承直郎正六奉直通直郎從六朝請宣德

郎正七朝散宣奉郎從七給事承事郎正八承奉承務郎從八儒林登仕郎正九文林將仕郎從九俗美

通班之寵號再登科

劉知幾史通忤時篇僕少小從時早躡通班班次也

舉必五

員職須六考

宋紹興二十九年洪遵王希亮等上議曰自一命已上仕于州縣之間雖有真賢實

廉勢不能自達于上故為之立薦舉之法必使之歷任六考所以遲其歲月而責其赴功必使之舉官五員所以多其保任貳卿為之進卷

東坡集文昌貳卿位次八座謂侍郎也

萬乘

至於臨軒

史丹傳天子自臨軒檻

使百里或九十之差則分寸有

千丈之落幸或通於班筍又免待於戍瓜

並見前

惟甄異

於庭紳許帶行於職組以此刈薪於翹楚斯亮天功

翹詩

翹錯薪言刈其楚注翹翹薪貌錯雜也楚雜薪之中尤翹翹者尚書欽哉惟時亮天功

如其不稼

以取禾曷孚人望

見前

如某者起于素賤加以朱愚

莊子不知

乎人謂我朱愚知乎反慙我軀

自安鸞鳩斥鷃之棲

莊子蜩與鸞鳩笑之注崔云鸞讀為

滑稽鳩一名滑稽司馬云學鳩小鳩也李云鸞鵬也毛詩草木疏云鸞鵬班鳩也簡文云月令鵬鵠拂其羽是

也又斥鷃笑之注司馬云斥小澤也亦作尺鷃於諫反

字亦作鷃韻會駕屬爾雅鷃陸佃云品中膳羞禮記

內則鷃鷃鷃不木亦乏蚍蜉蟻子之援

見前

隨材官蹶張

之後不自意全

申屠嘉傳以材官蹶張從高帝擊項籍如淳曰材官之多力能腳蹶彊弩張之

故曰蹶張師古曰今之弩以手張者曰擘張以足蹶者曰蹶張吳王濞傳吾乘傳至此不自意全

補文

學掌故之聯已逾分願

儒林傳以治禮掌故以文學禮義為官又歲課丙科四十人補

文學掌故師古曰言治禮掌故之官本以有文學習禮義而為之

感大鈞無垠之播物

見欲小子有造於成人

詩肆成人有德小子有造進之東膠禮記周人養國

老子東膠注東膠亦太學在國中王宮之東通典周制太學為東膠小學為虞庠膠之言糾也所以糾收學士

也告於南面如絲如綸而如縉有隕自天

易姤九五以杞包瓜有隕

自天疏言無能傾隕之者唯天能隕之此借用

在汴在陵而在阿孰為之地

詩菁

菁者莪在彼中阿既見君子樂且有儀菁菁者莪在彼中沚既見君子我心則喜菁菁者莪在彼中陵既見君子錫我百朋注菁菁然茂盛者蘿蒿所以得茂盛者由生在阿沚陵之中得阿沚陵之長養故茂盛以興君之長養

人才

伏遇某官坤厚載物

見

鼎烹養賢

易鼎象也以木巽火亨飪也聖

人亨以享上帝而大亨以養聖賢

耻一夫之納溝中欲得其所招諸生

而立館下恐毀於隨故雖糾錄之曹亦加超遷之渥某

敢不修其可願欽乃攸司

並見前

早者止高者流當益厲

六館之仁勇

韓文太學生何蕃傳惜乎蕃之居下其可以施于人者不流也譬之水其為澤不為

川乎川者高澤者卑高者流卑者止是故蕃之仁義克諸心行諸太學積者多施者不遐也

直而溫

寬而粟庶可助九德之敷施

尚書帝曰護命女典樂教胄子直而溫寬而栗剛而

無虐簡而無傲又翕

受敷施九德咸事

改官謝喬司業

行簡○同第七卷除國錄謝葛祭酒啟頭○宋史喬行簡字壽朋婺

州東陽人學于呂祖謙之門登紹熙四年進士第歷官浙西提點刑獄兼知鎮江府遷起居郎兼國子司業拜參知政事兼知樞密院事尋拜右丞相嘉熙三年拜平章軍國重事四年加少師封魯國公贈太師謚文惠所著有周禮總說孔山文集癸辛雜志云喬文惠行簡嘉熙之末自相位拜平章軍國重事年八袞矣時皆以官貴長年美之而公晚年子孫淪喪况味尤惡嘗作上梁文云有園有冶聊為卒歲之遊無子無孫盡是他人之物又乞休表云少壯老百年已踰八袞祖子孫三世僅存

一身聞
者憐之

伏遇某官道航聖瀆

法言捨舟航而濟乎瀆者末矣捨五經而濟乎道者末矣材棟

儒林

史記有儒林傳董仲舒發蒸儒林

左史讀五典三墳蓋將倚相

左傳

左史倚相趨過王曰是良史也子善視之是能讀三墳五典八索九邱注倚相左史名韓安國傳天子方倚以爲漢相元載杜相國神道碑俾時不迷倚以爲相國子學九德六舞暫假司成

尚書亦行有九德周禮以樂舞教國子舞雲門大卷大咸大磬大夏大濩大武禮記大司成論說在東序職林隋煬帝改國子學爲國子監復置祭酒唐龍朔改爲司成館祭酒爲大司成光宅改爲成均監當江濤如此之時

朱新仲詩江濤如軫根本眇然之慮欲作成此欲安行詳見前

於六館

通典西京國子領六學一曰國子學生徒三百人二曰太學生徒五百人三曰四門學生徒千

三百人四曰律學生徒五十人五曰書學生徒三十人六曰算學生徒三十人

以表屬於四方

儒林傳本人倫勸學興禮崇化屬賢以風四方太平之原也

有淮者淵不嫌葭葦之

衆

詩菀彼柳斯鳴蜩嘒嘒有淮者淵萑葦淠淠淮丁罪反深也淠淠衆也正義曰柳木盛而多蟬淵水深而

生葦言大者之旁無所不容

言刈其楚蓋為薪樵之儲

詩翹翹錯薪言刈其楚解

見上條又芄芄械撲薪之類之濟濟辟王左右翹之傳芄芄木盛貌械白桺也撲抱木也樵積也山木茂盛萬民得而薪之賢人衆多國家得用蕃興樵音酉積木燒也晉書羅憲傳薪樵之任清規自遠

况素出

於門牆尤願承其模範

法言務學不如務求師師者人之模範也模不模範不範為不

少某敢不尊其瞻視識所步趨莊子夫子言亦言也步亦步也趨亦趨也雖

藻火粉米之不同貴賤位矣孝經非先王之法服不敢服鄭注云天子服日月星

辰諸侯服山龍華蟲卿大夫服藻火士服粉米儻蘋藻繫辭天尊地卑乾坤定矣卑高以陳貴賤位矣

錡釜之可薦左右芼之詩予以采蘋南澗之濱予以采藻于彼行潦予以盛之維筐及

簋予以湘之維錡及釜予以奠之宗室牖下注蘋大萍也藻聚藻也方曰筐圓曰簋湘烹也錡釜屬有足曰錡無足曰釜又參差荇菜左右芼之注左右助也芼擇也

回劉教授大川謝舉改官

綴曲江之題知賢已久玉泉子慈恩寺連接曲江京輦勝景每歲新得第者畢列名于

此張禮遊城南記江以水流屈曲得名司馬相如賦臨
曲江之隄洲蓋其地也劇談云曲江本秦隄洲唐開元
中疏鑿為勝境歐陽詹曲江記茲地循原北峙迴岡旁
轉圓環四匝中成坎窞窳窳港洞生泉翕源崇山瀟川
鉤結盤護涵虛抱景氣象澄鮮滌慮延
歡棲神育靈于此觀之可以得其槩矣
玷直指之寄察

士為先

見前

方跂踏於循牆

韻會跂踏若不自容也詩詁
引論語跂踏如也謂歛足則

踏踏小步
也餘見前

遂蹉跎於削櫝

韓詩烏乎吾意其蹉跎杜詩
淮海莫蹉跎原陟傳削櫝為

疏

有來巽謝良仍謙光

易謙尊
而光

伏惟某官行有宮庭子

君子言有壇宇行有防表道有一隆言道德之求不下
於安存言志意之求不下於事言道德之求不二後王
道過三代謂之蕩法二後王謂之不雅高之下之小之
臣之不外是矣是君子之所以騁志意於壇宇宮庭也

注宮謂之室庭門戶之內也君子雖聘志意論說不出此壇宇宮庭之內也

文為擊悅

法言今之

學也非獨為之華藻也又從而繡其擊悅惡在老不老也注擊音盤悅音稅擊大帶也悅佩巾也所以佩物而為飾也言古之學者存其大體所以易也今之學者有經傳章句如華藻繡擊悅其文彌繁所以難也

吹

更生之藜杖孰非鴻寶之言

王子年拾遺記劉向校書天祿閣專精覃思夜有老

人植青藜杖扣閣而進見向暗中獨坐誦書老父乃吹杖端爛然大明因以照向說開闢以前事向因受五行洪範之文至曙而去向請問姓字云我是太乙之精天帝聞金卯之子有博學者下觀焉劉向傳淮南有枕中鴻寶秘書向父德治淮南獄得其書更生幼而讀誦

我夢得之桃花不作大鈞之

問劉禹錫字夢得再遊玄都觀詩序云余貞元二十一年為屯田員外郎時此觀未有花是歲出牧連州尋

貶朗州司馬居十年召至京師人人皆言有道士手植
仙桃滿觀如紅霞因戲贈看花諸君子詩云紫陌紅塵
拂面來無人不知道省花回玄都觀裏桃千樹盡是劉郎
去後栽以志一時之事旋又出牧今十有四年復為主
客郎中重遊玄都觀蕩然無復一樹唯兔葵燕麥動搖
於春風耳因再題以俟後遊詩云百畝庭中半是苔桃
花淨盡菜花開種種桃道士歸何處前度
劉郎今又來禹錫有問大鈞賦詳別見
淹回如此靜退

恬然茲鯨騰一鶚之章恨未足五紆之數

並見前

某墓頤

無政

墓頤山在眉山縣東七里狀如墓頤因名陸務觀
八蜀記蝦蟆墓培在山麓頭鼻吻頤絕類而背脊脬

處尤逼真造物之巧有如此者自背上深入得一洞穴
石色綠潤泉泠泠有聲自洞出垂蝦蟆口鼻間成水簾
水品所載第
四泉是也

龍節非材

周禮澤國用龍節

下車而舉慈明豈種

私門之桃李

晉東海王越臨兗州以江應元為別駕委以州事與應元書曰昔王子師為豫州未

下車辟荀慈明下車辟孔文舉貴州人士有堪應此者不元舉却鑒為賢良阮修為直言程牧為方正時稱其得人王允傳允字子師黃巾賊起特選拜豫州刺史辟荀爽孔融等為從事荀爽傳爽字慈明幼而好學潁川為之語曰荀氏八龍慈明無雙

築臺而招郭隗欲開公道之荆榛

鮑昭樂府

將起黃金臺上谷郡圖經黃金臺易水東南十八里燕昭王置千金于臺上以延天下之士孔融書燕昭築臺以招郭隗王隱晉書段匹碑進屯故安縣故燕太子丹金臺述異記燕昭王故城中土人呼賢士臺亦謂招賢臺詳見前曹鄴詩一旦公道開青雲在惟慙程力之綿平地杜詩王風委草莽戰國多荆榛

程說文品也禮記注謂器所容疏容受多少禮更辱擣記引重鼎不程其力漢書繇力薄材注繇弱也

文之綺

說文綺文繪也選詩高談一何綺

宮觀

宋設祠祿之官以佚老優賢祖宗時員數絕少熙寧以後乃增焉時方經理時政患疲老不任

事者廢職欲悉罷乃使任宮觀以食其祿時相王安石亦欲以此處異議者遂詔宮觀毋限員並差知州人以三十月為任

賀瀘帥楊尚書

汝明

進職奉祠

元帥賢勞清都均逸

列子清都紫微鈞天廣樂帝之所居注清都紫微天帝之所居也唐

凌敬詩聊排靈璫闔徐步入清都王荆公集賜韓琦詔方均逸豫適此外虞賴瀕龍川志畧均逸偃藩

文

昌八座昔倡九牧以阜民

劉伯瓚八座比於文昌二丞方於管轄尚書六卿分職各

率其屬以倡九牧阜成萬民

幕府十年今解五符而還里

杜詩十年出幕府張

釋之傳安知尺藉五符注軍士伍伍相保之符信也唐車服志西京北都留守給麟符東方青龍符南朱雀符

西駒虞符北玄武符顯拜綠綈之寵

說文綈厚繒也外戚傳中黃門持詔綠綈方底注厚繒方

底盛書囊形

峻加紫殿之班

成帝紀永始四年春正月行幸甘泉郊泰畤神光降集紫殿西

京雜記成帝設雲帳雲幄雲幕于甘泉紫殿世謂三雲殿三輔黃圖帝于甘泉宮起紫殿刻鏤黼黻以玉飾之

又唐有紫微殿紫宸殿續通典瑞明殿學士馮道趙鳳制擢自玉堂升于紫殿歸哉歸哉詩殷其雷

在南山之陽何斯遠斯莫敢或違振振君子歸哉歸哉注勸以為臣之義未得歸也幸甚幸甚韓文

伏惟俯加憐察幸甚幸甚白樂天醉吟先生傳幸甚幸甚餘何求哉伏惟某官柔嘉維則

詩仲山甫之德柔嘉維則令儀令色小從容以和尚書

心翼翼注柔和而美善唯可以為法則勢作威無倚法以削節槩抗岷峨之橫鮮傳感槩師古

寬而有制從容以和曰感意氣而立節槩李淵源深江漢之濯高缺迅步不

詩可以橫絕峨眉顙求珠得食如花藥膏飴食之香美貴

受人間風日之塵梁四公記羅子春為梁武帝入龍洞

食至京師得人間風日乃堅如石不可食唐蘇鶚杜陽

雜編寶曆二年浙東國貢舞女二人舞態艷逸非人間所有每歌舞罷上令內人藏之金屋寶帳蓋恐風日所

侵故也山谷詩人間風日不到處天上玉堂森寶書又人間風日不可奈緩轡徐驅徑曳天上星辰之履周亞

故待成陰葉下來按轡徐行杜詩特銜五月瀘溪之入漢書地里志瀘惟

留藻鑒聽履上星辰水出牂牁郡句町

縣諸葛武侯傳五月渡瀘深入不毛

九鑕巴火之新

杜詩九鑕巴火

大國十連

民無遺便

禮記十國以為連連有師昌黎常丹墓誌居三年於江西八州無遺便

細書一

札王曰遄歸

後漢書循吏傳皆一札十行細書成文詩徐方不回王曰還歸

乃思書行

之榮

項籍傳富貴不歸故鄉如錦衣夜行魏張允為雍州刺史太祖曰卿還本州可謂衣繡畫行矣劉禹

錫詩朝服歸來畫錦榮

欲就晚賦之樂

注見下文

日出而作皆言倦飛

則知還

莊子曰日出而作日入而息逍遙於天地之間而心意自得歸去來辭雲無心以出岫鳥倦飛而

知還周益公集張忠簡公闢已奉祠祿陞辭上曰卿姑暫還秋涼復召卿矣公既退詩云八請犯天顏今日出

漢關渾如倦飛鳥日暮傍朝還

夜行不休誰作急流之勇退

魏田豫乞遜位曰年

過七十而居位譬猶鍾鳴漏盡而夜行不休罪人也遂稱疾邵氏見聞錄云錢若水為舉子時見陳希夷于華山希夷曰明日當再來若水如期往見一老僧與希夷擁地爐坐熟視若水久之不語以火箸畫灰作做不得三字徐曰急流勇退人也畫墁錄若水謁華山陳搏曰目如點漆黑白分明當作神仙有紫閣老僧曰不然他日但能富貴急流勇退人也

偉公高節立我懦夫孔幾耳目未覺衰

力控二宜之疏

昌黎尚書左丞孔公墓誌公年七十三三上書去官愈謂曰公尚壯奚去之果

曰吾年至一宜去吾為左丞不能進退郎官惟相之為二宜去愈明日奏疏曰幾為人守節清苦筋力耳目未覺衰老憂國忘家用意

溫公肺腸為已有暫營獨樂之

謀

司馬溫公獨樂園記逍遙相羊惟意所適明月時至清風自來行無所牽止無所扼耳目肺腸卷為已有

魏鶴山經外雜抄元次山心規云我鼻我目我口我耳溫公之意蓋出於此

况幾兩幾馬美

巨源之歸

昌黎送楊少尹序昔疏廣受二子以年老一朝辭位而去于時公卿設供張祖道都門外

車數百兩道路觀者多歎息泣下共言其賢今楊與二疏其意豈異也予忝在公卿後過病不能出不知楊疾去時城門外送者幾人車幾兩馬幾匹道邊觀者亦有歎息知其為賢與否而一廛一區足

子雲之樂

楊雄傳雄字子雲其先楊李官至廬江太守漢元鼎間避仇復遡江上處崦山之陽曰睥

有田一壥有宅一區世世以農桑為業

南方已定足可從赤松之遊

出師表南

方已定兵甲已足張良傳願棄人間事從赤松子遊耳師古曰赤松子仙人號也神農時為雨師服水土教神農能入火自燒至昆山上常止西王母石室東征是皇隨風雨上下炎帝少女追之亦得仙俱去

尚當為蒼生而起

詩既破我斧又缺我斨周公東征四國是皇哀我人斯亦孔之將注皇匡

也周公既反攝政東伐此四國誅其君罪正其民人而已謝安傳安石不肯出將如蒼生何殷浩傳深源不起

當如蒼

某夙蒙異顧輒布賀忱既羨公未老而得閒

齋

閑覽趙嘏詩早晚粗酬心事了水邊歸去一閑人若身
事了則仕進之心益熾愈無歸期矣王易簡云青山得
去且歸去官職有來還自來是豈能須臾忘情於軒冕
邪余嘗於驛舍見人題壁云謀生待足何時足未老得
閒方是閒余深味其言服其精當而愧未能行
也此與夫一日省除目三年捐道心者異矣又愧我

每懷之靡及

詩皇皇者華于彼原隰駢駢征夫每懷靡
及箋春秋外傳曰懷私為每懷衆行夫既

受君命當速行每人懷其私
相稽留則于事將無所及

挹浮邱之袂尚願執鞭

郭璞

遊仙詩左挹浮邱袂右拍洪崖肩列仙傳浮邱公接
王子喬以上嵩高山史記雖為之執鞭所欣慕焉 登

黎侯之樓或蒙援筆

東坡眉山遠景樓記今太守黎侯希聲軾先君子之友人也作遠景

樓日與賓客僚吏游處其上軾方為徐州吾州之人以書往來未嘗不道黎侯之善而求文以為記嗟夫軾之去鄉久矣所謂遠景樓者雖想見其處而不能道其詳矣然州人之所以樂斯樓之成而欲記焉者豈非上有易事之長而下有易治之俗也哉若夫登臨覽觀之樂山川風物之美軾將歸老於故邱布衣幅巾從邦君於其上酒酣樂作援筆而賦之以頌黎侯之遺愛尚未晚也

賀李侍郎進秩敷文閣學士提舉嵩山崇福宮

敷文

閣紹興十年置以藏徽宗御製置學士直學士侍制以次列職嵩山即禹貢外方山東謂大室西謂

少室嵩其絕名也謂之室者以其下各有石室崇福宮有管勾或提舉提點官

杖杜勞還

杖音第木獨生又孤高貌詩有杖之杜有暉其實王事靡盬繼嗣我日月陽止女心傷

止征夫遑止詩序杖杜勞還也

嵩高均逸

白虎通中央之岳獨加高字者何中央居四方之中而高

故名餘見前

大行臺之保大載續武功

魏書以僕射源懷為行臺巡北邊隋書百

官志行臺尚書令視正二品劉禹錫詩南荆西蜀大行臺左傳夫武禁暴戢兵保大定功安民和衆豐財者也暴而不戢安能保大猶有晉在安能定功晉紀總論逆取順守保大定功詩二之日其同載續武功言松其猗獻耕于公注續繼功事也繼續

武事年常習之使不忘戰也

真學士之拜真誕敷文

德

言行錄蔡崇禮字叔厚覃思於學問文章視唐燕許常揚為不足道上每曰蔡某之文有體真學士也山

谷詩玉堂要真學士須得詹州禿鬚翁漢書歲滿為
真宋李昉入直翰林先是盧多遜已任學士太祖見昉
在多遜下問其故宰相曰昉以本官直學士院未即真
拜真拜學士在多遜之上尚書帝乃誕敷文德舞干羽
于兩階

有偉急流之退

見上

式觀晚節之香

李彥平錄韓魏公在北門

九日燕諸僚佐有詩云不羞老圃秋容淡
且省黃花晚節香識者知其晚節之高

恭惟某官博

極羣書

司馬遷傳自劉向楊雄博極群書皆稱遷有良史之才馮衍傳九歲能誦詩至二十而博通群

書

洞視萬古

李漢韓文序洞視萬古愍惻斯世

用之禮義講唐虞於細

檀

禮記故勇敢強有力者天下無事則用之于禮義天下有事則用之于戰勝王吉傳廣廈之下細旃之上

明師居前勸誦在後上論唐虞之際下及殷周之盛詰爾戎兵撻秦楚之堅甲尚書

其克詰爾戎兵以陟禹之迹

昔者狂瀾之倒

韓文障百川而東之迴狂瀾於既倒屹然

暢轂之堅

詩文苗暢轂駕我騏驎注暢長也轂車輪中之木周書庾信傳棧秦車於暢轂沓漢鼓於

雷門王元長詩序暢轂埋麟麟之轍

遠揚邇昭

柳河東平淮西雅宛宛周道于山于川遠揚邇昭陟

降連

外鎮內拊

王陵傳外鎮拊四夷諸侯內親附百姓

盡護諸將

陳平傳拜以為

護軍中尉盡護諸將

不聳一塵

左傳邇鄙不聳注聳動也

王曰遄歸將軍籌帷

幄之內

詩徐方不回王曰遄歸餘見前

我戍未定且收身矢石之間

詩

戍未定靡使歸聘注言我方戍于北狄未得定止無人使歸問安否所以憂也左傳親受矢石叔孫通傳蒙矢石爭天下韓詩放意機衡外收身矢石間東坡詩道傍儻有山中舊問我收身早晚回

學士象四

時新唐書百官志景龍二年置弘文館大學士四人以象四時詳見前光祿正二品宋史百官

志諸金紫光祿大夫知樞密院事參知政事同知樞密院事太尉開國郡公上柱國為正二品祝釐太

室真間呼萬歲之三

封禪書文帝制曰祝釐者歸福于朕百姓不與焉自今祝致敬毋有

所祈注釐福也尚書大傳尚考太室之儀唐為虞賓鄭玄曰太室明堂之中央室也王融曲水詩序接禮貳宮考庸太室武帝紀帝至於中岳獲駁庶見夏后啟母石翌日親登嵩高御史乘屬在廟旁吏卒咸呼萬歲者三於是令祠官詔祿禁廬又可襲六藝而七閣職曰禁塗亦曰禁廬封

禪書一藝襲六為七司馬相如傳將襲舊六為七注六經加一為七班接西京之鸞鶴歡

騰北野之龜魚

韓詩瓦影陰龜魚又身與名而孰親子

名與身孰親身與貨孰多注

事隨憂而共減

韓詩事隨憂共減詩

與酒起視當世允謂全人

莊子工乎天而俚乎人者唯全人能之俚音良注工於天

即俚於人矣謂之全人全人則聖人也崔云俚良工也

某聳聞除書亟裁斐語起

溫公於崇福不無願公入相之人

東坡司馬溫公行狀公居洛十五年再任

留司御史臺四年提舉崇福宮神宗崩公赴闕臨衛士見公入以手加額曰此司馬相公也民遮道呼曰公無歸洛留相天子活百姓所在數千人聚觀之宋史溫公傳論新法害民將二十年方是時光退居于洛若將終身焉而世之賢人君子以及庸夫愚婦日夕引領望其為相至或號呼道路願其無去朝廷是豈區區材智能得此於人哉德之

迎老子於函關且致為我著書之請

盛而誠之至也

史記老子傳居周久之見周之衰迺遂去至關關令尹
喜曰子將隱矣彊為我著書於是老子迺著書上下篇
言道德之意五千餘言而去

代董制置賀安觀文

丙

除節使開府宮觀

宋史安
丙字子

文廣安人淳熙間進士開禧二年邊事方興程松
為四川宣撫使吳曦副之丙陳十可憂于松松不
省曦反丙與楊巨源李好義合謀誅之七年丙為
湖廣安撫使政尚嚴酷判官章傑劾丙丙授崇信
軍節度使開府儀同三司萬壽觀使賜旌節金印
衣帶鞍馬卒贈少師理宗賜謚忠定宋羅大經鶴
林玉露云安子文與楊巨源李好義合謀誅逆曦
旋殺巨源而專其功久之朝廷疑其跋扈俾帥長
沙子文盡室出蜀嘗自替云面目鄒搜行步磊砢
人言托住半周天我道一場直戲要今日到湖南

又成間話靶在長沙計利析秋毫廳前豢豕成
群糞穢狼籍肥脂則烹而賣之罷鎮捆載歸蜀

元老求閒

詩方叔元老克壯其猶傳元大也
五官之長出于諸侯曰天子之老
清朝疏寵

李詩更奏
遠清朝

齋壇授鉞新大將之威儀

韓信傳信亡蕭何
追還漢王曰以爲

大將何曰王素慢無禮今拜大將如呼小兒此乃信所
以去也王必欲拜之宜擇日齋戒設壇場具禮乃可王
許之淮南子國有難君卜吉日以授旗鼓將入廟門趨
至堂下北面而立主親操鉞持頭授將軍其柄曰從此
上至天者將軍制之復操斧持授將軍其柄曰從此下
至淵者將軍制之摯虞新禮議漢魏故事遣將出征符
節即授鉞于朝堂新禮遣將御臨軒尚書授節鉞古兵
書跪而推轂之義也東坡啟出節少府授鉞齋壇杜詩
授鉞築壇
揆路縵纓等上公之體貌
尚書使宅百揆秋
梁公表載塵鉞路
聞意旨

韻會影影長組貌梁書張充與王儉書影影天閣既謝
廊廟之華綴組雲臺終慙衣冠之秀選詩仕子影華纓
駱賓王詩影纓倍級冕尚書庸建爾于上公賈誼
傳夫嘗已在貴寵之位天子改容而體貌之矣 仍峻

琳宮之領

大中祥符除向敏中制式建琳宮

用華梓里之歸

詩惟桑與梓必恭敬

止
綸綍載揚紳綏胥慶恭惟某官材宏且毅器博而周

所守匪親化為豺狼頃幾失劔門之壯

李詩劔閣崢嶸而崔嵬一夫當

關萬夫莫開所守或匪親化為狼與豺宋史安丙傳吳曦為四川宣撫副使受金詔稱蜀王僭號建官稱臣于金以丙為丞相長史丙度徒死無益陽與而陰圖之遂與楊巨源李好義等誅曦 無禮於君誅

如鳥雀公迄回沔水之朝

左傳見無禮於其君者誅之如鷹鷂之逐鳥雀也詩沔彼

流水朝宗于海宋史孫忠銳失守散關丙檄其還欲廢之先命楊巨源以汧兵二千策應巨源至鳳州斬忠銳丙遂以忠銳附偽進表之罪聞于朝丙以汧州都統司所統十軍權太重故自吳璘至挺曦皆有尾大不掉之憂乃請分置副都統制各不相隸

是為非常之功

陳琳為袁紹檄州郡有非常之人然後有

非常之事有非常之功

宜受不次之賞

丙傳曦反朝廷初聞變莫知所為密

降帛書曰安丙素推才具有志事功如能圖曦報國以明本心即當不次推賞雖二府之崇亦無所吝

況

克復四州於談笑

楊巨源傳巨源謂丙曰曦死賊膽已破關外四州為蜀要害不取必有後

患于是分遣李好義復西和州張林李簡復成州劉昌國復階州孫忠銳復散關

而撫摩八載

之瘡痍

劉敬傳瘡痍者未起季布傳創痍未瘳杜詩端拱問瘡痍

若時登庸遂典樞

機之貳

丙傳開禧七年三月詔丙同知樞密院事兼太子賓客手書召之

聞命就道又

成藩屏之留

丙傳丙行次廣德軍進觀文殿學士知潭州湖廣安撫使

方深虛佇之

思忽控養恬之請

莊子古之治道者以恬養知生而無以知為也謂之以知養恬注恬靜而

後知不蕩知不蕩而性不失也夫無以知為而任其自知則雖知周萬物而恬然自得也索兜戟纛

儼十乘以啟行

禮軍事懸壺以序聚攔注懸壺為漏以次更序櫟守脩以兩木相擊行夜說文

兜盞首鎧也東觀漢紀馬武擊隗囂自被兜盞鎧甲獻帝春秋太史慈與孫策戰于神亭策得慈兜盞車頽秦

書符登刻兜盞作死休字齊書周盤龍曰貂蟬出於兜盞說文戟有枝兵也增韻雙枝為戟單枝為戈周禮掌

舍棘門棘即戟也以戟為門太公兵法戟之神名大將風土記戟長一丈三尺奮揚俯仰能兼五兵子虛賦建

干將之雄戰郭躬傳漢制祭戰即為斧鉞肅軍中大皂
旗名韓文素兜戰肅以長魏師互見前詩元戎十乘以
先啟行戎車既安如輕如軒元戎大車也有衡統紃紃
戎車十乘以在軍先欲以啟突敵陣之前行

視三階而命秩

統都感切紃音橫紃音延冠下曰衡說文統冕冠塞耳者紃冠卷也一日纓從

下而上者纓無紃者從下仰屬於冠紃冠上覆通作延禮記前後邃延注言皆出冕前後而垂䟽云延用三十升布染黃覆冕上冕以板為之左傳衮冕黻珽帶裳幅為衡統紃紃昭其度也注衡所以維持冠者統冠之垂者紃纓從下而上者紃冠之上覆者四者皆冠之飾張衡東京賦乃整法服正冕帶珩統紃紃玉笄綦會火龍黼黻藻
紃擊厲仍從神圉司馬相如傳靈圉燕于閑館注靈圉衆仙號也以佚安期列仙傳安期先生者瑯琊阜鄉人也賣藥於東海邊時人皆言千歲翁秦始皇東遊請見與語三日三夜賜金壁度

數千萬出於阜鄉亭皆置留書以赤玉
爲一量爲報曰後數年求我於蓬萊山
是爲地上之仙

墨客揮犀蜀人魏野隱居不仕人多與之遊寇萊公尤
愛之嘗有贈公詩云好向天上辭富貴却來平地作神
仙蒙齋筆談王魏公當國屢求退不許魏野寄以詩云
人間宰相唯三載君在中書十四年西祀東封俱已了
好來平地作神仙東坡何愧山中之相
南史隱逸傳陶弘景字通明丹

陽秣陵人梁武帝早與之游即位後恩禮愈篤屢加禮
聘並不出國家每有吉凶征討大事無不前以諮詢月
中常有數信時人謂爲山中宰相
向也雲無心而出岫今則水有時乎

回淵
東坡醉翁操醉翁去後空有朝吟夜怨山
有時而童巔水有時而回淵思翁無歲年惟出入

將相之榮雖聖賢而難必至功名終始之際尤今古之

罕全貫一節於行藏知百年之壽考

詩壽考且寧以保我後生從容

甲第寧肯甘田宅之污

胡建傳射甲舍門師古曰甲舍即甲第高帝紀賜大第室孟康

曰有甲乙次第故曰第也史記王翦傳翦將六十萬人攻燕請美田宅園池甚衆既至關使使還請善田者五輩或曰將軍之乞貸亦已甚矣翦曰秦王怛而不信人今空秦國甲士而專委於我我不多請田宅為子孫業以自堅顧今秦笑傲平橋自可窮園林之勝

新唐書裴度傳時內

王坐而疑我矣

監擅權天子擁虛器度不復有經濟意乃治第東都集賢里沿石林叢岑繚幽勝平橋作別墅具燠館涼臺號綠野堂度野服蕭散不問人間事昌黎和裴相公感恩言志詩文武成功後居為百辟師林園窮勝事鍾鼓樂

清時某聳聞盛事敬仰高風季鷹思吳亦欲為適志之舉

張翰傳見秋風起乃思吳中蓴鱸曰相如還蜀何當效

人生貴得適志遂命駕而歸詳見前

負弩之迎司馬相如傳至蜀太守以下郊迎縣令負弩矢先驅蜀人以為寵

代秘丞林郎中

夢英

謝丞相得祠祿

林夢英字仲虎與陸九淵

年相若篤信其學遂師焉登淳熙二年第授祁陽簿再調衡州法曹所至整飭精明為部使者郡守所知一日改官五剡俱集改知武陵縣寬民戢姦興學勤教士習丕變通判靖州討平峒蠻知武岡軍未上退居城西金石臺建藏書樓徜徉其間薛叔似辭為宣撫司參議官召除國子監丞遷宗正丞權工部郎又除秘書丞權司封奉祠歸年踰八十人稱山房先生

老而妄動自速煩言

左傳嘖有煩言注忿爭也詳見前

罪以疑輕尚沾

微祿

尚書功疑惟重罪疑惟輕

重惟踈謬倍費保全

東坡集向非人主獨賜保全則

臣之微生豈有今日又顧已於時齟齬於人費力保全

戴洪造之難名

東坡集草芥賤微敢

干洪造乾坤廣大曲遂私誠

撫孤蹤而增感伏念某狷弗諧世戇獨

愈人少而耻有道之賤貧妄希干祿

東坡集忠臣可使死封疆不能受無

根之謗議志士本不求富貴不能安有道之貧賤

壯始悟不義之富貴亦足辱

身

司馬遷傳太上不辱先其次不辱身

固嘗把江海之麾

杜牧將赴吳興登樂游原詩清

時有味是無能閑愛孤雲靜愛僧欲把一麾江海去樂遊原上望昭陵

惟不願冰山之倚

天寶遺事楊國忠為右相或勸陝郡進士張彖謁之彖曰君輩倚楊右相如泰山吾以為冰山耳遂隱居嵩山

詳見前

甫違繒繳

繒音增。甫有綸繳。音皎。箭著之以冒鳥足。謂之繒繳。子虛賦微矰出。纖繳施。

便入林泉

杜詩。悵望好林泉。曾子固詩。清興入林泉。王荆公詩。身世託林泉。黃山谷詩。書札到林泉。

食神園之祠凡五六任

見前

頓屠坦之刃幾十九年

賈誼傳屠

牛坦一朝解十二牛而芒刃不頓者所排擊剝割皆衆理解也。注頓讀曰鈍。莊子臣之刀十九年矣而刀刃若新發於硎。自量叔夜之不堪。見前。任笑仲連之強作母友不如。

已者乃師教之以義強委重焉則君命也

韓文先生仁且勇若以義

請而強委重焉其何說之辭

自屠羊之反肆

見前

即殺馬而毀車

後漢書周

燮傳。馮良字子伯。出於孤微。少作縣吏。奉檄迎督郵。慨然耻在廝役。因壞車殺馬。毀裂衣冠。乃遁至犍為。從杜

撫學妻子求索踪跡斷絕後乃見草中有敗車死馬衣裳腐朽謂為虎狼盜賊所害發喪制服積十許年乃還鄉里東坡詩殺馬毀車從此逝子來何處問行藏 誰誤聽聞忽蒙拔擢念士非

其招而往孔子奚取焉苟傲無所恃而行韓愈亦人耳

韓文傲雖凶德必有恃而敢行愈之族親鮮少無板聯之勢於今不善交人無相先相死之友於朝無宿資蓄貨以釣聲勢弱于才而腐于力不能奔走乘機抵讎以要權利夫何恃而傲餘見前 抗辭有罪引疾為欺冒然扶僊以奉承 僊音稗廣韻羸困也通俗文疲極曰僊疲劣也易係遯之

鷹有疾僊也莊 識者逆憂其顛沛清班難玷顧再轉而子先生之僊

為丞 白樂天詩早接清班登玉陛 素行久愆非一鳴而東坡詩珪璋滿清班餘見前

輒斥

李林甫傳不見立仗馬乎終日無聲飲三品尚且一鳴則黜之矣

既名欺世安所

避刑竊鉄無往而非疑

列子人有亡鉄者意其隣之子視其行步竊鉄也顏色竊鉄也

言語竊鉄也動作態度無往而不竊鉄也俄而扣其谷而得其鉄也日復見其隣人之子動作態度無似竊鉄

者

聚鉄不容於鑄錯

通鑑初田承嗣鎮魏博選募六州

日益驕恣羅紹威惡之力不能制借兵朱全忠誅之紹威雖去其逼而魏兵自是衰弱紹威悔之謂人曰合六

州四十三縣鉄不能為此錯也互見前

乍賢乍佞身已變於三期見前偽行

偽言誅何逃於七日

孔子家語孔子朝政七日而誅亂政大夫少正卯子貢曰少正卯魯

之聞人也夫子為政而始誅之或者為失乎孔子曰天下有大惡五而竊盜不與焉一曰心逆而險二曰行辟

而聖三曰言偽而辯四曰記醜而博五曰順非而澤五者有一於人則不免君子之誅而少正卯皆兼有之此乃人之姦雄不可以不除投荒已幸

柳詩投荒垂一紀新詔下荆扉又一身去國六千里萬死投荒

十二

續食謂何

武帝紀徵吏民明當世之務習先聖之業者縣次續食令與計偕

豈老

芋之似茯神元非罔市

見前

而遠志之為小草失在出山

世說謝太傅始有東山之志桓公見藥中有遠志公問謝此藥又名小草何以一物二稱謝未即答郗參軍答曰處則為遠志出則為

無墜諸淵

禮記稷公問子思曰為舊君反服古與子

思曰古之君子進人以禮退人以禮故有舊君反服之禮今之君子進人若將如諸膝退人若將墜諸淵毋為戎首不亦善乎又

姑予之釜譽而召毀而去聖則何心

季布傳陛下以一人譽召臣一人毀去
臣臣恐天下有識者聞之有以窺陛下
吉之先動之微

汝曾不悟
繫辭幾者動之微
致勤大播
見前
如此曲成
繫辭

曲成萬物而不遺
伏遇某官謙虛受人
謙當作咸易咸君子以虛受人
坤厚載

物
見前
謂士非梁冀之賓客謾與招徠
梁冀傳冀誅故吏賓客免黜者三百

餘人朝廷為空
至人言盧杞之姦邪固難覆護
舊唐書盧杞傳上曰衆人論杞

姦邪朕何不知李勉曰盧杞姦邪天下人皆知唯陛下不知此所以為姦邪也
怒猶疑其溢惡

莊子兩怒必多溢美之言
殺寧失之不經
尚書與其殺不辜寧失不經
疾雷震霆

於物無存全之理
春秋大雨震雷穀梁傳震雷電霆也說文云震霹靂也電者即雷之光與

此傳異易震為雷故何休亦以震為雷霆者霹靂之別
名有霆必有電故傳曰電霆也或當電霆為一也公羊
傳何休注有聲名曰電蓋天容地乃今知寅亮之功高后紀蓋之如

天容之
如地

見大德之好生

繫辭天地之大德曰生尚書好生之德洽于民心

豈匹

夫之受賜某仰銜厚施已迫頽齡斗升之活波臣固貪

舊物

莊子我東海波臣也君豈有升斗之水而活我哉王坦之傳青璽我家舊物

七十而致

君事正在新年

禮記大夫七十而致事若不得請則必賜之几杖

與其身後重

作偽之愆

尚書作偽心勞日拙

不若生前瀝哀祈之惓澗愧林慙

之無盡悔不可追

北山移文林慙無盡澗愧不欺秋桂遣風春蘿罷月

鍾鳴漏盡

而不休行將焉入

魏志田豫傳答司馬宣王書曰年過七十而居位譬猶鐘鳴漏盡而夜行

不休是罪人也隋書柳或傳其人年垂八十鐘鳴漏盡若令舉刺所損殊大王僧孺為常雍州致仕表途迷齒截漏迫鐘鳴高春之景一斜不周之風忽至徐陵為王儀同致仕表星迴日薄通人有乞老之言漏盡鐘鳴前史有夜行之誠左傳棄疾曰吾與殺吾父行將焉入又臣而不臣行將焉入

得反初服

離騷經進

不入以離憂兮退將修吾初服張九齡詩征途屢反此初服已非然

實出大鈞小人之過

必文何嗟及矣

詩嘏其泣矣何嗟及矣

君子之愛以德願卒成之

禮記君子之愛人也以德細人之愛人也以姑息

代李制機

大有

得祠謝丞相

幕府效愚猥蒙重劾

嚴延年傳延年遣吏掾趙繡按大姓高氏得其死罪繡為兩劾欲先

白其輕者觀延年意怒迺出其重劾延年已知其如此矣趙繡至果白其輕者延年索懷中得重劾即論殺之

公朝宥過特昇真祠

尚書宥過無大刑故無小宋宮觀曰真祠亦曰真廷真館感無

地以寄言

山谷白山茶賦諒無地以寄言故莫傳于膾炙德如天而難論伏念

某才固無似命亦不猶

並見前

門戶百年難問庭前之雀

夏侯湛傳承門戶之業受過庭之訓南史王奐傳百年門戶宜思後計新唐書崔信明傳信明五月五日方中生有異雀五色集庭樹太史良占之曰五月為火火為離為文日中文之盛也雀五色而鳴雀文彩此兒將以文顯但雀形既小祿位不高貞觀中為秦川令卒科名二紀真同竿上之魚陽

公歸田錄梅聖俞以詩名當世然終不得一館職晚年
在唐書局充修書官尚真書成酬勞得一貼職以償素
願書岳就而卒時人莫不歎其奇薄初受敕修書語其
妻刁氏曰吾之修書可謂獼猴入布袋矣刁氏對曰君
於仕宦亦何異鮎魚上竹竿耶聞者皆以為善對
幸且安百里之子男

左雄傳今之墨

綬猶古諸侯注墨綬謂
令長即古子男之國也

誰使作諸侯之賓客

杜詩甫也諸侯老賓

客
既叨贊畫安敢隱情堂上之兵未可屈人于不戰

張協

詩何必操干戈堂上有奇兵法言充舜不戰而屈
人兵皇甫嵩傳百戰百勝不如不戰而屈人之兵
幕中

之辯真乃以我而為傾

韓詩幕中之辯人反以汝為叛臺中之詳人反以汝為傾怒

因水蟹之移

東坡詩怒移水中蟹詳見第一卷

殃竟池魚之及言如綸

綽固疑乍佞以乍賢

並見前

法猶權衡寧免則筆而則削

禮樂志今之刑非臯陶之法也而有司請定法削則削筆則筆救時務也

奪其兩秩脩已暮

年適逢肆青之恩

尚書書災肆赦

輒動問釣之請賜之大知之

至前感已多

並見前

閱其窮察其愚茲恩尤厚

韓文屬乎其容若閔

其窮也又邈乎其容若不察其愚也

過蒙復玷特賜祝釐

見前

疾雷震霆於

物無存全之理

見上條

祥風甘雨乃今有覆露之功

黃帝占風

不及地和緩而來謂之祥風符瑞圖祥風者瑞風也一名景風禮稽命徵出號令合民心則祥風至孝經援神契德至八方則祥風至尚書大傳王者德及皇天則祥風起詩以御田祖以祈甘雨文選習習祥風祈祈甘雨

括地圖谷山有叢雲甘雨晁錯傳覆
露萬民如淳曰覆蔭也露膏澤也

恭惟某官社稷世

臣鼎彝家學

梁任昉序功名鼎彝
杜詩昭然開鼎彝

以一二日萬幾之無

曠

尚書一日二日
萬幾無曠庶官

乃十五年獨力而有餘得伊尹以格

皇天亦既俘三醜之寶玉問鄧禹而披輿地行將膺萬

國之貢珍諒欲四海之會同並思九德之咸事矧惟孤

迹夙累一陶

並見前

茲加杖拭之仁

朱博傳長陵大姓尚
方禁少時嘗盜人妻

見所創著其煩博聞知召見問禁是何等創也禁叩頭
服狀博笑曰大丈夫固時有是馮翊欲灑卿恥杖拭用
禁能自效不師
古曰杖拭摩也
殊有發生之漸某敢不銘心圖報沒齒

銜恩桃李盡在公門豈終使一株之慘淡

韓詩傍有一株李顏色慘

慘似含嗟餘見前

對菲無以下體尚希發寸草之華滋

梁王筠詩素莖

表朱實綠葉廁華滋東坡詩憐我枯槁質借潤生華滋王荆公詩仰看青青草亦復少華滋又草木已華滋又遠屋正華滋又小園封植佇華滋

致仕

回李致政

坤載

聯事少城一星終矣

孟浩然詩華省曾聯事仙舟復與俱少城在成都路賓王詩彭山折

坡外井絡少城隈詳見前左傳十二年矣是謂一終一星終也注歲星十二年而一周天故云一星終懷

章仁里數月於茲

朱買臣傳買臣懷其印綬步歸郡邸守邸前引其綬視其印會稽太守章

也 未皇致擁篲之恭

篲音遂史記騶子如燕昭王擁彗先驅索隱曰彗帚也謂為之掃地

以衣袂擁帚而却行恐塵埃之及長者所以為敬也高帝紀擁彗迎門

猥先辱踵門之見

恭惟某官盤根仙種

杜詩仙李盤根大倚蘭奕葉光

發藻儒英

漢書董仲舒發

藻儒

夷惠可否之間夙播仲元之譽

法言或問子蜀人也請人曰有李仲

元者人也其為人也奈何曰不屈其意不累其身曰是夷惠之徒歟曰不夷不惠可否之間也黃瓊傳不夷不惠可否之間蓋聖賢居身之所珍也蜀志秦宓傳王商為李弘立祠宓與書曰李仲元不遭法言令名必淪其無虎豹之文故也可謂攀龍附鳳者矣仲元名弘

達榮前後之舉莫回令伯之

高

晉書李密字令伯詔徵為太子洗馬以祖母年高乃上疏曰前太守臣逵察臣孝廉後刺史臣榮舉臣秀

才臣以供養無主辭不赴命

終難束手於袖間

韓文不善為斷血指汗顏巧匠旁觀縮手

袖竟出摘髭於領底

韓詩連年收科第若摘領底髭迴首卿相位通途無他岐

一第

直溷子終嫌識路之疾驅

新唐書元結傳一第恩子耳有司得子是賴韓文既識路

又疾驅今孰知余力之不任

再轉而為丞甘作急流之勇退

見前尋橘

中之四皓

幽怪錄巴邛人家有橘園霜後諸橘盡收餘二大橘巴人剖之每橘有二叟髮眉皓然皆

相對象戲一叟曰橘中之樂不減商山

見林下之一人

邀齋間覽常丹鎮江西以詩寄

僧靈澈云王事紛紛無暇日浮生冉冉只如雲已為平子歸休計五老峯前必共君澈答詩云年老心閒無外

事麻衣草坐亦容身逢人盡道休
官去林下何曾見一人蓋譏之也
致為臣而歸良可厚

近古之俗

東坡遠景樓記吾州之俗有近古者三詳別見

從邦君其上尚為賦

遠景之樓

東坡遠景樓記軾將歸老于故邱布衣幅巾從邦君於其上酒酣樂作援筆而賦之詳見

前

車幾兩馬幾匹孰不羨楊侯之賢

見前

薤一本水一孟

更願聞任棠之誨

龐參傳參為漢陽太守郡人任棠有奇節參到先候之棠不與言但以薤

一大本水一孟置戶屏前自抱孫兒伏于戶下參思其微意良久曰水者欲吾清也拔大本薤者欲吾擊強宗也抱兒當戶欲吾開門恤孤也歎息而還

回彭致政

琛

謝致政

士仲

一經教子人服義方

帝賢傳賢四子長子方山為高寢
令次子弘至東海太守次子舜留

魯守墳墓少子玄成復以明經歷位至丞相故鄒魯諺
曰遺子黃金滿籝不如一經左傳石碣曰臣聞愛子教

之以五福錫民天頌仁爵

尚書欽時五福
用敷錫厥庶民

未皇走慶先

沐陳箋伏惟某官典刑老成

詩雖無老成人尚有典刑
注老成人若伊尹伊陟臣

危之屬雖無此臣猶有
常事故法可案用也

魁壘耆艾

壘音磊魁壘壯貌鮑
宣傳朝臣亡有大儒

骨鯁白首耆艾魁壘之
士五十曰艾六十曰耆

漢庭用少功名雖恨於蹉跎

陳后

山詩漢庭用少公何在不使群飛接羽翰杜詩聞君已
朱紱且得慰蹉跎孟郊詩願已誠拙訥干名已蹉跎

周王作人壽考固同於飛躍

詩周王壽考遐不作人又
薦飛戾天魚躍于淵豈弟

君子遇不作人注周王文王也文王是時九十餘矣故云壽考作人者變舊造新之辭言變化紂之惡俗近如新作人也鷯鵠類惡鳥飛而至天喻惡人遠去不為民害魚躍于淵喻民喜得所此引詩斷章不必如本義也

蔚秋蘭之流馥

晉潘尼詩流聲馥秋蘭搗藻艷春華北周宗懔詩一枝猶桂馥千步有蘭香

忻春草之隨袍

杜詩春草隨青袍又渚花兼素錦汀草亂青袍

貴老為近於親

式稱綵衣之養

禮記貴老為其近於親也敬長為其近於凡也列女傳老萊孝養二親行年七十

十作嬰兒自娛著五米菰欄衣嘗取漿堂上跌仆因卧地為小兒啼或弄鵲鳥於親側

乞言以成

其祿會聞黃髮之詢

禮記凡養老五帝憲三王有乞言五帝憲養氣體而不乞言有善則

記之為惇史三王亦憲既養老而后乞言亦微其禮皆有惇史尚書尚猷詢茲黃髮則罔所愆某及交

阿戎

王戎傳戎年十五少阮籍二十歲而籍與之交籍嘗謂戎父渾曰濬冲清賞非卿倫也共卿言不如

共阿戎談

還識叔夜

嵇紹傳中散大夫康之子紹始入洛或謂王戎曰昨于稠人中始見嵇紹昂昂

然如野鶴之在鷄群戎曰卿復未見其父耳

壽胥與試此何與魯侯之功詩

髮台背壽胥與試又奄有龜蒙遂荒大東至於海邦淮夷來同莫不率從魯侯之功注髮有黃色之髮背有台文之背得有如此長壽相與

盍歸乎來行即顯文王之

世

詩文王孫子本支百世凡周之士不顯亦世注凡于周為臣之士豈不有顯德乎言其皆有顯德而亦得

繼世
食祿

四六標準卷十